



C40
4514
(1)

大方廣佛華嚴經疏鈔卷三十五之二

于闐國三藏沙門實又難陀 譯

清涼山大華嚴寺沙門澄觀撰述

十地品第二十六之二下

疏第二發光地所以來者前戒此定義次第故又
前三地寄同世間施戒修法前二施戒竟今此顯
修故深密云前位能持微細戒品未得圓滿世間
等持等至及圓滿聞法總持為令得此因說此地
令勤修學此則具前二意 鈔所以來者來意中
三初正明有二意一就三學二地是戒三地是定

B 64353

四地已上皆屬於慧。故爲次第。則令初地亦屬戒。收。又前三下。二約寄位。謂初地爲施。二地爲戒。三地爲修。此三所以名世間者。世間有情。多分行。故戒俱舍云。契經說有三福業事。一施類福業事。二戒類福業事。三修類福業事。此云何立福業事名。頌云。施戒修三類。各隨其所應。受福業事名。差別如業道。釋曰。類謂性類。此三各別一類性。故定名修者。頌云。等引善名修。極能熏心。故謂離沉掉。名之爲等。引生功德。名之爲引。此定地善。極能熏心。令成德類。故獨名修。此則具前下三會釋也。謂一

前位持戒。未得等持。卽三學意。二旣言未得世間等持。卽寄位意。在文可知。

疏言發光者。智論四十九名爲光地。本論及金光明十住婆沙等。皆名明地。光之與明。眼目殊稱。皆畧無發字。仁王名明慧。慧亦是明。義旨皆同。今統收下經及諸經論。總有三義立發光名。一以初住地十種淨心爲能發。勝定聞持爲所發光。以安住地竟。方始聞法。修得定故。故瑜伽四十八云。由聞行正法光明。等持光明之所顯示。故名發光地。由內心淨。能發光明。是故說名。增上心住。旣言由

撰述
華嚴疏鈔卷之二
內心淨能發。明知以十淨心爲能發也。攝論金光
明經意皆同此。二以聞持爲能發。勝定爲所發。以
聞法竟靜處修行。方發定故。瑜伽亦說等持爲光
明故。此約地中釋之。三以勝定總持並爲能發。彼
四地證光明相以爲所發。故下論云。彼無生慧。此
名光明。依此光明故名明地。此約地滿心釋。唯識
亦云。成就勝定大法總持。能發無邊妙慧光。故謂
由得勝定發修慧光。由得總持教法發聞思光。彼
無邊慧卽是三慧。故上本分論云。隨聞思修。照法
顯現。謂就此慧中。四地證法爲所照。三慧光明爲

能照。三慧是彼證智光明之相。餘諸經論言雖
少異。並不出此。故十淨心。唯是能發證光明相。唯
是所發。勝定一種。通能所發。是以此地偏得增上
心名。鈔及金光者。卽第三經。經云。無量智慧光
明。三昧不可傾動。無能摧伏。聞持陀羅尼爲作本
故。是故三地說名明地。言十住論卽十住毘婆沙
當第一。仁王下當釋之。攝論下。四引例釋成。攝論
卽當第七論云。由無退轉等持等至所依止故。大
法光明所依止故。名發光地。世親釋云。由此地中
與三摩地。三摩鉢底。常不相離。無退轉故。於大乘

撰述 華嚴疏鈔卷之二 二
法能作光明。各發光地。無性釋云。由無退轉。等持等至所依止者。謂此地中證希有定。能發智光明。了諸法。故名發光。得已不失。名無退轉。諸靜慮定。名爲等持。諸無色定。名爲等至。等持者心一境性。等至者正受現前。大法光明所依止者。謂此地中與定相應。無退轉故。於諸大乘契經等法。得智光明。此地是彼所依因故。名爲發光。釋曰。此二釋論皆當第七大同小異。故疏畧指同於瑜伽。次云。金光明者。如前已引。三以勝定下。第三會取第一二種所發以爲能發。餘諸經論下。第三總結揀定。上

恐學人欲見異釋。故委出之。實無異轍。餘論之言。今當更出。顯揚第三云。三發光地。謂諸菩薩住此。地中善修治第二地故。超過一切聲聞獨覺地。證得極淨三摩地。蘊大智光明之所依止。是故此地名爲發光。則亦不異前矣。又上言仁王名明慧地者。卽下卷中明三賢十聖各修一觀門。皆各法師故。故經云。大牟尼言。有修行十三觀門。諸善男子。爲大法王。從習忍。至金剛頂。皆爲法師。依持建立。今言第三地者。彼經云。復次名明慧道人。常以無相忍中行。三明觀。知三世法。無來無去。亦無住處。

心心寂滅盡滅三界癡煩惱故證得三明一切功德觀故釋曰立名小異義理同經。

疏若所離障通約三慧故本分論云聞相於聞思修諸法忘障唯識名暗鈍障謂所知障中俱生一分令聞思修法忘失彼障三地勝定總持及彼所發殊勝三慧入三地時便能永斷由斯三地說斷二愚及彼龐重一欲貪愚此障勝定及彼修慧二圓滿陀羅尼愚此障聞思慧及障彼圓滿陀羅尼故鈔若所離下第三離障初舉本分其名委具唯識立名則總釋義委具於彼論中先釋障忘失

三慧故名暗鈍三慧別障如下愚中今但總說由斯已下釋斷二愚一欲貪愚但畧舉愚應有問云上標所知今何得舉欲貪煩惱答彼次論云彼昔多與欲貪俱故名欲貪愚今得勝定及修所成彼既永斷欲貪隨伏此無始來依彼轉故釋曰以欲貪故多任散亂故障定修慧以此欲貪依障而轉障盡欲亡二圓滿下此持通四一法持二義持三咒持四能得忍持以聞思與彼聞持極相近故所以偏說非不障修

疏若約所證唯就總持名證勝流真如唯識云謂

此真如所流教法。於餘教法極爲勝故。梁攝論云。從真如流出正體智。正體智流出後得智。後得智流出大悲。大悲流出十二部經。各爲勝流法界。故下經中能捨身命。求此善說。鈔若約所證者。四證如。以明所流是教法故。然所證如。論自釋云。此有二意。一由得三慧照大乘。法觀此教法根本。真如。如卽勝流。故論釋云。此如流教最爲勝故。二若證此如。說法勝故。故疏結云。能捨身命。求此善說。善說卽勝。然捨此身下。卽無性菩薩釋攝論言。謂此所流教法最勝。故捨身命求此善說。不以爲難。

○疏其所成行。亦唯禪及求法。鈔其所成行者。卽下厭分。及求法行。卽方便攝行。莊嚴論云。第三在能生欲界而不退禪。

疏其所得果。亦法及禪。梁攝論云。通達勝流法界。得無邊法音果。金光明云。三地發心。得難動三昧果。下文四無量五神通等。皆定所攝。鈔其所得果者下。引梁論證於得法。引金光明證於得禪。

佛子得聞此地行。菩薩境界難思議。靡不恭敬心歡喜。散華空中爲供養。

疏次正釋文。總分三分。初讚請分。二正說分。三重

頌分。今初六偈分二。前三慶前後三請後。前中初偈集經者序。

讚言善哉。大山王。慈心愍念諸衆生。善說智者律儀法。第二地中之行相。

是諸菩薩微妙行。真實無異無差別。爲欲利益諸羣生。如是演說最清淨。

疏後二偈發言讚能所說。於中善哉是總。第八句是結。別明能說有二。前偈有慈。後偈有悲。故云利益。所說亦二。前偈教相。故云律儀。後偈證相。故云微妙。真實者契理故。無異者千聖同轍故。無差別者理貫事故。

者理貫事故。

一切天人供養者。願爲演說第三地。與法相應。請智業。如其境界希具闡。

大仙所有施戒法。忍辱精進禪智慧。及以方便慈悲道。佛清淨行願皆說。

疏後三請後中二。初二偈大衆請。前偈總請。二地之法。謂如彼教法相應。三智之業。後偈別請。十度行法。以地地通有。故慈悲是願道。謂道力。佛清淨行。卽無漏智。

時解脫月復請言。無畏大士金剛藏。願說起入第三

地。柔和心者諸功德。

疏末後一偈上首請。

爾時金剛藏菩薩告解脫月菩薩言。佛子。菩薩摩訶薩已淨第二地。欲入第三地。當起十種深心。

疏第二正說分中。先明地行。後辨地果。前中四分。一起厭行分。二厭行分。三厭分。四厭果分。此地修禪。厭伏煩惱。亦厭於禪。故名厭地。設忻大法。亦爲厭故。正住地心。在於八禪。故但名厭。初入地心。觀修彼行。名厭行分。趣地方便。起彼厭行。地滿心中。得無量等。是厭之果。亦可初一。是入心。餘三。是在

心。

疏今初分中有三。初結前起後。二何等下徵列十。心。三菩薩以是下。結行入位。初中標起云。十種深心。論經云。深念心。則異前二地。單云深心。謂更以十心念前十深心故。瑜伽云。若菩薩先於增上戒任。已得十種清淨意樂。復由餘十淨心意樂。作意思惟成上品故。入增上心任。鈔則異前二地。下。疏取彼經以揀今文。言更以十心者。能念卽此地。初十心。於禪定中求欲深故。所念卽是二地。初十心。欲求禪却念淨戒。戒清淨故。乃得禪定。次引

瑜伽證成上義。先明所念。後復由餘十下。卽是能念。起此十心。在於地前修成。下中未入此地。故成上品。方入三地。三地卽是增上心住。

何等爲十。所謂清淨心安住心。厭捨心。離貪心。不退心。堅固心。明盛心。勇猛心。廣心。大心。

疏二徵列中十心。義分四對。初二一對。根本建立。次三一對。方便發修。次三一對。修已成。就。後二一對。德用自在。此四對中。皆前離過。後明成善。

疏初言淨心者。離過也。論云。依彼淨深念心。謂依二地淨心。起此起地淨心。故瑜伽云。一者作意思。

惟我於十種淨心意樂。已得清淨故。二安住心者。依不捨自乘及前十故。此二依前。故云根本建立。後八依前起後。鈔初言清淨心者。然十皆清淨。初句兼總。偏得淨名。依不捨自乘者。謂所任大乘之法。堅心不動。此句是論總。下及前十者。卽前地十。不捨淨戒。方得定故。

疏次第二對方便發修者。論云。志求勝法。起善方便。三地勝定總持。名爲勝法。於中前二句。離過。一懸厭當欲。二離於現食。後一造行進善。若不勝進。則名爲退。故異第二。若準瑜伽所修對治。不復退。

失。故下頌云不害。若失對治則有害。故鈔若不勝進者。此未得不退。故論云五依不捨自勝進。疏第三對中初一離過。謂自地煩惱不能壞。故名堅固心。自地卽第二。以初十心未增。未入三地。故後二成善。初句體成。依等至八禪。出入自在。故云明盛。後句用成。卽依前句禪定自在力。雖生下地而不退失。故云勇猛。故下經云於禪能出能入者。卽明盛也。又云不隨禪解脫力生者。是勇猛也。地滿方成。今此作是思惟。卽得入地。故瑜伽十心。皆有作意思惟之言。鈔謂自地煩惱者。釋云二地。

二地有何煩惱。謂障三地者是二地惑。今不現前。故云不壞。依等至者。論云二摩提自在。三摩提是古梵語。卽二摩鉢底。此云等至。

疏第四對中。初句自行離過。依欲界生。煩惱不能染。故論名快心。晉經名勝心。皆以有智故不染。煩惱今言廣者。兼不樂陞小。故後句利他自在。依利衆生。不斷諸有。故云大心。此廣大二心。與前後有異。鈔皆以有智故者。以有智故。慶快殊勝。處染不染。此廣大者。諸處有智上求爲大。有悲兼物爲廣。前地亦以不染爲大。利他名勝。今以利他非小。

乘故亦得各大智不求陞亦得稱廣。

菩薩以是十心得入第三地。

疏三結行入地謂於前十心作意思惟便入增上心住。

佛子菩薩摩訶薩住第三地已觀一切有為法如實相所謂無常苦不淨不安隱敗壞不久住剎那生滅非從前際生非向後際去非於現在住。

疏第二佛子菩薩摩訶薩住第二下厭行分中有三一修行護煩惱行以觀有為可厭患故二見如是下修行護小乘行求一切智深念眾生捨陞劣

心故三菩薩如是厭離下修行方便攝行欲攝眾生不離無障礙智究竟方便等故又此三段攝前三位初及第二一半攝修行住次護小乘陞心下攝無患恨行以慈悲故後段攝等一切佛廻向思惟佛智度眾生故鈔又此下攝位前二自分後一勝進自分護小乘之過勝進依前進修。

疏今初二十句分二初十觀無常即知有為體性後十觀無救者即就人彰過今初分三初顯觀時謂住地已揀前趣入次觀一切下總辨所觀言如實相者此有二義一事實謂無常等二理實謂

撰述
五身疏鈔卷之二
卽不生等。今文具二後所謂下別示其相。文有十句。初總餘別。總云無常者。論云是中命行不住。故謂命行二字是所無常法。不住二字是無常義相。續名命遷流名行。命舉於內。行通內外。故下別中分出依正。鈔謂命行者。卽經有爲字。此同涅槃我觀諸行悉皆無常。

疏初中九句。初五句云何此無常。卽前命行後四句。何者是無常。卽前不住。鈔云何此無常行。命行是論經卽有爲。此問無常所以。亦無常法。何者是無常者。不住是論經卽無常字。此問無常體相。故下經云剎那等。

疏初中有二義。一隨事前三內報以顯無常。後二外報以顯無常。二據義五句以苦等四觀共顯無常。初句卽苦論云依身轉時力。生三種苦。故謂三苦依三受。三受依觸生。故依身轉方能生苦。卽是無常。二卽不淨。依飲食力。形色增損。故三不安隱者。依不護諸惡力。橫夭壽等。四敗壞者。依世界成力。成必滅。故五不久住者。此句依無我。謂資生依主。無有定力。屬於五家。非一處住。不定我所。反顯我無。鈔故論云依身者。內報遷移。名身轉時。從

觸生受從受生苦。已是無常。況三苦更起。故是無常。由轉生苦。故轉爲力。形色增損者。食爲便利。資內汗穢。垢汗不淨。顯現於外。故云不淨。以增損故。卽是無常。依不護者。論經此句亦云無常。遠公釋云。此以無常顯於無常。以天壽等。龕相無常。顯有爲法性。是無常。無我理細。不顯無常。今經異論云。不安隱。故疏直釋。不配無常。及與無我。而通兩意。作無常釋。不異。遠公作無我者。遇緣天逝。不自在。故下第五句。正無我所。故彼疏云。不定我所。反顯我無。

撰述

華嚴經疏卷之十一

十一

疏後四何者是無常。然無常有二種。一者少時無常。卽剎那生滅。二自性不成實無常。謂三世緣生俱無自性。故不成實體。卽下三句。一非從前際生者。過去已滅。故二非向後際去者。現在卽滅。無容從現轉至未來。故三非於現在任者。念念遷謝。求其任相。不可得。故約三世遷滅。求生等相。皆不可得。卽入不生不滅。是無常義。此中三世。約相續門。如因前身有今身等。若依生滅門。則應從未來藏。流入現在。遷至過去。二門不同也。鈔然無常者。遠公釋云。應有三種。一分段無常。分段兩向用之。

支那

華嚴經疏卷之十一

十一

華嚴疏鈔卷之二
向前爲無常所以。今此爲無常體性。故此分段不出此二少時亦各念念無常。故次經云。剎那生滅四相遷故。約三世下。三結文意。經從前際生卽是生義。今非從故名爲不生。向後際去卽是滅義。今非向故名爲不滅。亦應不住。不住通於無生無滅。爲對生滅是無常義。顯不生滅是無常義。順淨名故。此中三世下。四棟不同。謂諸經論中辨法有二。一相續門者。約就三時以辨一法。當知是法從於過去來向於後世。如人說言我從生來向於老去。今是此門。故云非從前際生等。二以三時對別諸

法名生滅門。是則一法隨時爲三。三法相望。過去已去。當者方來。現在今在。故引有部從未來歲入現在等。則謝往名過。過往皆今。稱之爲去。在當名未。當起之法。趣現名來。亦可來者是其現義。當法未現。名爲未來。今名現法。任現相故。名爲現在。依此門辨。無生滅義。今依前門。故於未來義。則可具言過去已滅。未來未至。現在無任。故無生滅。今依前門。故於未來却名不去。是故結云。二門不同。

又觀此法。無救無依。與憂與悲。苦惱同任。憂憎所繫。愁感轉多。無有停積。貪恚癡火。熾然不息。衆患所纏。

日夜增長如幻不實。

疏第二又觀下明其無救。初句總顯言此法者。卽前無常。今又觀之。不出生老病死。如四方山來。無逃避處。無能救者。鈔第二又觀下。無常理定。非物能救。故云無救。如四方山來。卽涅槃文如四諦品。

疏別有九句。約生老病死。初四約死以顯無救。此相顯故。所以先明。一無依者。於無常未至中無所依告。救令不至。二與憂者。無常既至。無能救者。意地懼死。所以懷憂。三與悲者。生陰轉壞。死相現。

前於此中間。彌增涕泗。四苦惱同住者。正捨壽時。四大分散。在於五根苦惱事中。其力虛弱。更以憂悲隨逐。則憂苦轉增。心生熱惱。鈔別中九句者。卽爲四段。初四約死。次二約資生。次一約老。後二約病。而生過不約。人所憂故。畧而無之。就總相言。約生老病死。又生一種舍在資生等中。以諸增長位總名生故。又此四段亦攝八苦。二卽求不得苦。死兼愛別離苦。病中兼有怨憎會苦。五陰盛苦。通在於四。今初死苦。望之遠近。故有四句。未至者。自少及長。皆歸死門。一息尚還。假言未至。臨風微燭。

何所依憑。故文殊云。生死有畏。菩薩當何所依。淨名答云。菩薩於生死畏中。當依如來功德之力。凡夫無此。故無所依。二。死時將臨。名爲既至。無常經云。云何保形命。不覺死來侵。三。死相現前者。諸識昏昧。六腑空虛。餘息淹淹。心魂悄悄。或隨業報。中陰現前。內識外身。皆有死相。陰轉死相。卽曰中間。難回死門。故多涕泗。四。正捨命時。風刀解體。故曰分散。氣絕神逝。名捨命時。無常經云。命根氣欲盡。支節悉分離。衆苦與死俱。此時徒歎恨。兩目俱翻上。死刀隨業下。意想並惺惶。無能相救濟。五根已

苦。不能安排。將前憂悲。隨逐於苦。增心熱惱。言同任者。卽是相應義也。明此死人。但與憂悲苦惱。同任。故六地云。死時別離。愚迷貪戀。心胃煩悶。爲愁涕泗。咨嗟爲歎。在五根爲苦。在意地爲憂。憂苦轉多。爲惱。若準涅槃。直觀於死。自有十義。云夫死者。於險難處。無有資糧。去處懸遠。無有伴侶。晝夜常行。不知邊際。深邃幽暗。無有燈明。入無門戶。而有處所。雖無痛處。不可療治。往無遮止。到不得脫。無所破壞。見者愁毒。雖非惡色。而令人怖。致在身邊。不可覺知。

撰述
華嚴疏鈔卷之二
疏次二約資生事。不知是苦。妄生樂想。對治不入。故無救也。謂五追求資生境。有順違。故愛憎所繫。六於受用時。苦多樂少。云愁感轉多。謂受而不散。衆禍皆集。用而毀損。如損身命。故曰苦多。鈔次二約資生者。非唯不知。追求受用皆悉是苦。亦不知前悉皆是苦。亦不知前皆歸於死。而初追求。愛順憎違。求順不得。卽求不得。苦憎違。而至卽寃憎會苦。六苦多樂少者。且順妄樂。名爲樂少。積而禍集。已是苦矣。散而貪戀。斯苦更多。亦愛別離苦也。○疏七於身老時。盛年壯色。不可救令停集。鈔七

於身老時者。第三約老明無救也。壯色不停。猶如奔馬。西日黯黯。孰能駐之。

疏後二約病。初一病因。謂入於少壯時具樂等三受。故貪等常燒。不容法水。熾然難救。九於年衰時。衆患所纏。如樹將朽。日夜增長。無能令免。然病通始終。老時多。故論偏說老。老卽病緣。鈔後二約病者。初一少時病。後一老時病。言病因者。樂受生。食則房色。竭其骨髓。滋味煎其腸腑。安得不病。苦受生。瞋則憤恚。填於心胃。不思危難。安不病哉。癡則愚暗。不識是非。動皆顛墜。安不病哉。九中然老

亦病因而。不云因者。老亦卽病。謂年耆根熟。形變色衰。飲食不能。氣力虛乏。坐起苦極。餘命無幾。豈非病哉。況加客病。難復再康。枯柳遭霜。生茂無日。隨風墜葉。歸樹何期。

疏故論云。後三句皆明身患事也。何故不在初說。示身數數患事。可卒加故。如幻不實。總結前九。鈔故論云者。問意云。何謂前四後三是老病死。同身患事。何不一處併而說之。而於中間間以追求。答云。示身數數患事者。爲欲彰身患事非一。徧於老少。故分兩處。言可卒加者。病之與死。皆可卒

至故。復應問言。既云患事非一。何不前明老病相耶。則應答云。死過重故。故前疏云。此相顯故。

見如是已。於一切有爲。倍增厭離。趣佛智慧。見佛智慧。不可思議。無等無量。難得無雜。無惱無憂。至無畏城。不復退還。能救無量苦難衆生。

疏第二護小乘行。有三十句。前十句護小心。後二十句護陞心。今初先總。後見佛下別。總中初結前。謂先觀無常。已厭有爲。次觀無救。故倍增厭。趣佛智慧。明其生後。正護小心。求佛大智。故別中十句。分二。前五攝功德大。卽求佛菩提。後五清淨大。

卽求涅槃果。菩提是德。修成名攝。涅槃本有。離障稱淨。此二無礙。菩提菩提斷。俱各菩提。智相智性。皆名佛智。鈔菩提菩提斷者。如前已引。智相智性卽法華意。

疏今初一神力攝功德大。智用不測故。二無比德學地無等故。上二妙用自在。三大義德利他無量故。四無譏嫌德。自行難得故。五不同德。外道無雜。故顯上二利。不同外道無利勤苦。上三德行圓滿。鈔上二妙用自在者。結上句當體顯用。下句寄對顯勝。然此五句。皆有攝功德大。疏文從畧。下清

淨亦然。皆帶總句。三大義下三句。前二正明德行圓滿。後一寄對顯勝。不雜外道故。言大義者。義卽義利。利他德廣。故名爲大。四無譏嫌者。淨德殊勝。故言無雜者。論名不同攝功德大。前云寄對。名爲無比。顯勝踰越。二乘。今云不雜。卽勝過外道。

疏後五中義攝有三。謂離惑。苦得涅槃故。一無惱者。卽離惑習。無明不雜故。二無憂者。離苦。苦依根本亡故。憂悲隨盡。三得涅槃。有二義。一得體。謂無憂畏。城亦是無餘涅槃。二得用。謂能建大事。亦無任涅槃。卽後二句。不任生死。故云不復退還。不任

撰述 玉屑齋金卷之二 辨
涅槃故能救無量苦難。由俱不住。方是世間涅槃。勝事以斯爲業。則翻有爲之業矣。鈔一無惱者。四住之結名之爲惑。四住種子名之爲習。及無明住地。二類皆惑。故並不雜雜。卽惱故。苦依根本者。身受名苦。心受曰憂。先由身苦。後起心憂。是故說苦以爲根本。憂爲涅槃巨害。故偏言之。若據根本。應言無苦。一得體者。無憂卽無上苦。無畏於惑。惑苦雙亡。名爲無餘。二得用者。對上體言。無任涅槃。卽體用雙具。卽具大智故。不住生死。具大悲故。不住涅槃。由俱不住。疏釋論也。論云。菩薩至涅槃。

城不復退還。而能利益衆生。得世間出世間勝事。疏釋意云。由不住涅槃。能入世間。不住生死。能入出世間。此二無礙。卽是勝事。勝事卽無任涅槃。故無任涅槃。唯佛方得。名爲勝事。以斯爲業者。以前菩提涅槃。但無惑苦。不言無業者。以爲利樂之業。不與惑苦共俱。故翻有爲之業耳。上來亦卽淨樂我常。

菩薩如是見如來智慧。無量利益。見一切有爲。無量過患。則於一切衆生。生十種哀愍心。

疏第二菩薩如是見如來智下。護陞心。有二十句。

前十悲其淪溺。後十決志慈濟。前中二先牒前標。後謂見佛智勝利。傷物不得。有爲過患。愍物處之。此是牒前。則起悲心。是爲生後。鈔謂見佛智者。牒前護小。有爲下。牒前護煩惱行。所以不次者。爲順生後悲心便故。

何等爲十。所謂見諸衆生孤獨無依。生哀愍心。見諸衆生貧窮困乏。生哀愍心。見諸衆生三毒火然。生哀愍心。見諸衆生諸有牢獄之所禁閉。生哀愍心。見諸衆生煩惱稠林。恒所覆障。生哀愍心。見諸衆生不善觀察。生哀愍心。見諸衆生無善法欲。生哀愍心。見諸衆生失諸佛法。生哀愍心。見諸衆生隨生死流。生哀愍心。見諸衆生失解脫方便。生哀愍心。是爲十。

疏二何等下。正顯悲行文有十句。初總餘別。總由孤獨無依。故生哀愍。少而無父。曰孤老而無子曰獨。今衆生上遠慈尊。又無方便。下不利物。又關善心。故云孤獨。既孤且獨。何所依救。鈔今衆生下。此有兩重父子。一約人。上遠慈尊是孤。不化衆生是獨。二約法。又無方便爲孤。方便以爲父故。又關善心爲獨。善心誠實男故。

疏別有九種孤獨無依。初二依欲求衆生。已得

撰述
香屑疏鈔卷之二
五
心無厭足。故貧窮無依。經云。知足之人。雖貧而富。不知足者。雖富而貧。未必無財。方曰貧也。二未得化財。求無休息故。三毒火然。此卽多欲。多欲之人。多求利。故煩惱亦多。初求生貪。不遂生瞋。非理爲癡。

疏次三依有求衆生。一閉苦果獄。二集因覆障。三無觀察道。由生八難。不聞法故。由上三故。安能得滅。鈔次三依有求。由迷四諦故。前二有障。後一無治。故不證滅。

疏後四依梵行求衆生。前三小乘。一行小因。不求

大因勝善之法。二保執小果。不求菩提。爲失佛法。當知此輩皆是增上慢人。三不得大般。湏繫長隨。變易生死。後一外道。雖求解脫。以行邪故。失於方便。鈔當知此輩者。卽是法華經文。大意未得究竟。謂爲究竟故。然此文多同二地。彼已廣解。

疏又上總別十句。亦可通爲五對。一無親無財。二有惑有苦。三有障無治。四闕因失緣。五順流背滅。鈔又上總別下。上依論文。此直就經耳。

菩薩如是見衆生界無量苦惱。發大精進。作是念言。此等衆生。我應救。我應脫。我應淨。我應度。應著善處。

應令安住。應令歡喜。應令知見。應令調伏。應令涅槃。疏第二菩薩如是下。決志救度中。初結前生後。作是念下。正顯救心。文有十句。初總餘別。別分爲三。初三何處救度。謂三道中。一脫業結。二淨惑染。三度苦果。次五以何行度。謂授三學。初二正授。一著戒善處。二勸住定慧。三昧地故定。慧合說。謂四地已去。方是慧地。此地定增。故慧是定中之慧耳。後三明授法利益。初二戒益。一將授戒者。令除疑生信。衆生受佛戒。便同大覺。固應歡喜。二已受者。令知持犯。見其勝益。安固不動。後一定慧益。滅除沈

掉。故云調伏。後一度果。云何救度成。令得餘無餘。涅槃故。上皆論意。鈔初三等者。論爲三段。此是第一。次五度行。論云。以何救度。後一度果。論云。云何救度成。疏文皆具。然初度處。三道論王皆有妄想之言。謂皆妄想因果。可除斷故。定慧合說者。問此非慧地。慧合定中。亦非戒地。戒何別說。前戒已成。不依定故。此中之慧。是定中慧。故滅除沈掉者。沉是昏沉。是定順障。是慧違障。掉卽掉舉。是慧順障。是定違障。定多易沉。慧多易掉。故名順障。沉不明了。掉不寂靜。故多違障。論云。滅除沉掉。隨煩惱

使者沉掉卽是隨惑使卽隨眠種現俱亡故。

疏更有一理。授行五句中。初三戒。初著戒處。次由持戒得心不悔。故云安任。後由不悔得心歡喜。次一授慧。故云知見。後一授定。故云調伏。然三學對於三道。有通有別。別則戒無業結。慧能斷惑。定度苦果。爲別對前次。故先說慧。然猶附論。若直就經文對前十類生。此十心。一救孤獨。故二脫貧窮。故三淨三毒。故四度有獄。故五著無覆障處。露地坐。故六任善觀察。故七得善法。欲生歡喜。故八知見性相同佛法。故九調伏諸根不隨流。故十應令

涅槃得解脫方便。故論非無理。未若此順經文。

菩薩如是厭離一切有爲。如是慙念一切衆生。知一切智智有勝利益。

疏第三修行方便攝行。謂修攝生方便之行。故下經云。以何方便而能拔濟。卽知不離佛智等。故佛智等卽是攝生之方便也。鈔第三修行方便攝行文中。又二先釋行名。

疏文分爲四。一發起攝行之因。二作是思惟。下思求方便攝行。三便作是念。下思得攝生方便。四菩薩如是下。依思修行。鈔後文分下。科釋。就方便

攝行之相。疏文已具。今先畧示。謂菩薩因前三種觀故。知生死多過。衆生未出。佛智大利。衆生未得。便念衆生墮在衆苦。何方拔之。令得涅槃。卽知不離無障礙智。乃至不離善巧多聞。遂求正法。得已思修。入禪無色。依定觀法。得無生慧。依無生慧。生如實覺。依如實覺。得無礙智。便能拔衆生出生死苦。得涅槃樂。攝相如是。

疏今初分二。先牒前二行以爲三因。後欲依下。依前三因以明發起。今初一如是厭離一切有爲。是牒護煩惱行。爲離妄想因。二如是慙念一切衆

生。是牒護陋心。爲不捨一切世間因。三知一切智。智有勝利益。是牒護小心。爲發精進因。謂既知佛智勝益。則修行彼道。以趣入故。然二因之中。初後是智。中一是悲。悲智爲因。能求方便。鈔先牒前者。二行卽護煩惱及護小乘。護小行中有狹及小。故有三因。牒護煩惱行者。謂三雜染皆爲妄想。故疏前釋三種雜染。皆名妄想。二由念衆生常在世間。不捨離故。三知一切智智下。名精進因者。非勇猛求。不能證故。問上文先求佛智。後念衆生。今何在後。牒佛智耶。答前由先念衆生處。有爲過。佛智

一釋述
舍利不能得之。故起悲心。悲其處過。後求佛智。拯此沉溺。

欲依如來智慧救度衆生。

疏後發起者。既思三因。欲將有益之智。救可愍之衆生。故說經者爲此發起。故論云。此言示現發起方便攝行故。

作是思惟。此諸衆生。墮在煩惱大苦之中。以何方便而能拔濟。令住究竟涅槃之樂。

疏第二思求方便者。亦只思前衆生墮有爲惑業苦中。欲令永滅。得大涅槃。未知方便。故思求之。今

經闕一業字。論經具有。鈔論經具有者。彼云。此諸衆生墮在大苦煩惱業中。

疏闕前決志救中。知授三學。滅業惑苦。今何故言以何方便。答。今但思其能授智慧耳。若爾。前護小中。已知如來智慧有大勢力。及上因中云。知一切智有勝利益。今何更思。答。前知智勝欲令物得。今亦思其令得方便。下乃知之。要自得佛智。方令他得。

便作是念。欲度衆生。令住涅槃。不離無障礙解脫智。無障礙解脫智不離一切法如實覺。一切法如實覺

不離無行無生行慧光。無行無生行慧光不離禪善巧。決定觀察智。禪善巧決定觀察智不離善巧。多聞疏第二。思得方便中。方便有五。自古皆將配位。論雖無文。於理無失。言有五者。一佛無礙智。二八地如實覺。三四地無行慧。四三地禪定。五亦三地多聞。然此五中。從微至著。則後後起於前前。故今觀求逆尋其本。展轉相因。並云不離。此五之中。多聞唯能起佛智。唯所起中間三種。通能所起。論依此義。攝五爲三。一佛智窮盡果海。名證畢竟盡。二以中三皆有下從他起。上能起他。漸增至佛。故攝爲

一。名起上上證畢竟盡。三以聞慧爲彼中間起行所依。名彼起依止行。以其聞慧未是證行。不得名起。而忘軀求聞。亦得稱行。已知大旨。鈔此五之中下。舉論總釋。於中有二。一出經意。成論爲三之由。論依此義下。二正舉論。而論總云是中方便攝行有三種。問前來豈非方便攝行。何以此始云攝行。答上之二段。牒前起後。方欲旁求。未得名爲方便攝行。今此求得攝生方便。方得其名。證中最極名畢。竟盡起中。漸增。名爲上上第三。可知。

疏次畧釋文。一佛智名無障礙解脫者。無二障故。

撰述
是離障解脫。具十智力。權實無礙故。是作用解脫。
此是究竟攝生方便。

疏二。此智要依如實覺者。八地得無生忍。覺一切
法如實性故。若覺實性。方能盡惑。於事理無礙故。
佛智由起。論釋一切法云。如來所說一切法者。因
音聲忍。方得無生。尋於能詮。悟所詮。故釋如實覺
云。隨順如實覺者。因於順忍。得無生故。鈔釋如
實覺者。論總云。彼盡以如來所說一切法。隨順如
實覺起。故疏分論文兩段釋之。先釋一切法。而遠
公云。如來所說一切法。畧有二種。一。三地中從佛

所聞之法。二。當地中諸佛七勸所說之法。今於此
二起如實覺。如實覺者。隨順相應故。一。順三地所
聞法起。得無生忍。及深行等。疏依此義云。因音聲
忍。得無生忍。然無生忍。從四地起。亦證三地之中
所聞法。故成於順忍。順忍之力。得於無生。故以順
忍釋論。隨順三地所聞。卽音聲忍。二。對七勸得如
實覺。卽八地中得無量身。及淨佛土。十自在等。得
勸之後。方成此故。今約展轉。故畧不明。

疏三。此覺不離無生慧者。欲覺一切法。一切法不
出二種。一者自相。謂色心等殊。是有爲法體。故名

撰述
垂肩疏鈔卷之二
五
爲行二者同相。色心雖殊。同皆生住異滅。所遷舉初攝後。故但名生。今四地菩薩了自及同。皆緣生無性。成無分別慧。故云無行無生。下一行字是慧行相。以無行無生爲慧行相。若如是行。則得八地覺法自性也。鈔三此覺下。第三方便無自相行。及共相生爲慧行。故疏文委具。

疏四此慧不離禪等者。謂此無生慧。非定不發。言禪善巧者。得三地滿勝進分禪。故出入自在。亦不染禪。故名善巧。決定者。於他四地決能發也。觀察智者。論云自智慧觀。故謂卽三地禪中之智。非前

所發四地無生之慧。彼四地之慧。此中名光明。依此光明。故名明地。故四地證慧。由三地禪中修慧而發。鈔得三地者。淨禪有四。一退分。二任分。三勝進分。四決定分。今卽第三。四卽下於四地決定能發。謂卽三地者。卽修慧也。是下經中觀於諸法不生不滅。明是三地自智慧觀。彼前四地下。揀今修慧。但是四地證前相。故尋求趣本。故名彼慧。以爲光明。由此三地得名明地。

疏五此禪不離善巧多聞者。此中修慧。由後聞慧故。三節皆慧。而慧不同。言善巧多聞者。不取聞相。

撰述
聖嚴疏鈔卷之二
故然佛智之因乃通十地。而偏舉三者。此地聞修。近所行故。四地是慧增之首故。八地無功用之初故。鈔此中修慧者。論云。此是彼起依止行。聞慧方便是起所依。是故修行名彼起依止行。意云。由聞解修故。修求聞之行。三節皆慧者。一四地證慧。二三地修慧。三求法聞慧。瑜伽八十三云。慧有多種。言慧光者。卽聞思慧。慧耀者。卽修所成慧。然此第五卽是聞慧。

菩薩如是觀察了知己。倍於正法勤求修習。

疏第四依思修行。上旣逆推。本由多聞。今則順行。先求聞慧而起聞行。文中二初結前標後。鈔初結前者。標云正法。通於教義五重方便。本由求法。故於正法倍復增求。

日夜唯願聞法。喜法。樂法。依法。隨法。解法。順法。到法。住法。行法。

疏後日夜下。正起求行。於中分二。先明求法行。後菩薩如是下。明求行因。

疏今初文有十句。聞法者無慢心故。二喜法者無妬心故。三樂法者無折伏他心問義故。此三約聽聞時。鈔文有十下。分之爲二。先釋經十句卽是

三慧而有四節。初三唯聞。第四五六通聞思慧。第七唯思。後三唯修。無慢心者。有慢則不求。二不妬他解。故生喜悅。樂法故。問無折伏他心。好心好法。名之爲喜。終時。夢味說以爲樂。

疏四依大乘教。自見正取。不忘失故。此揀求小。不名善。故自見正取者。不由他悟故。五隨自讀誦。故六爲他解說。故七順所聞法。靜處思義。故此三約已得法。自他利時。

疏八到法者。依定修行。到究竟故。九住出世間智。故十順佛解脫。行故。上之後三。皆約修行。然後二。揀不同世間之行。鈔八到法下。於後三中。初一是定。後二是慧。若隨位分。到法初地。住法卽四地。已上行法。卽八地。已上九住出世等者。卽釋經住法。而論經云。歸依法。論釋云。依出世間智。故謂四地。證智是所歸依。

疏若望後厭分正修。此十皆是聞慧。若望依思而行。此十皆名爲行。於中初日夜常聞。以顯勤行。喜法等九。顯正修行。又此十句。若約所受唯教與義。聞約教成。修依於義。思通教義。鈔二能所求料。揀以顯勤行者。此卽三地能求法行。下九皆是所

求修行之法。思通教義者。始依教思。終則依義。菩薩如是。勤求佛法。所有珍財。皆無吝惜。不見有物。難得可重。但於能說佛法之人生難遭想。

疏第二求行因中。二初常勤求因。二菩薩如是下。正修行因。以前十句有此二故。今初論云。彼常勤行。以何爲因。示現恭敬重法。畢竟盡故。於中分六。一總明輕財重法。

是故菩薩於內外財爲求佛法。悉能捨施。

疏二是故菩薩下。雙捨內外。

無有恭敬而不能行。無有憍慢而不能捨。無有承事而不能作。無有勤苦而不能受。

疏三無有恭敬下。內財敬事。謂心則恭敬。捨慢身則承事忘苦。

若聞一句未曾聞法。生大歡喜。勝得二千大千世界。滿中珍寶。

疏四若聞一句下。況捨外財。

若聞一偈未聞正法。生大歡喜。勝得轉輪聖王位。若得一偈未曾聞法。能淨菩薩行。勝得帝釋梵王位。在無量百千劫。

疏五若聞一偈下。輕位重法。人天王位。終是無常。

句偈教義法王爲果。一句一偈。約聞教法。淨菩薩行。約聞義法。

若有人言。我有一句佛所說法。能淨菩薩行。汝今若能入大火坑。受極大苦。當以相與菩薩。爾時作如是念。我以一句佛所說法。淨菩薩行。故假使三千大千世界大火滿中。尚欲從於梵天之上。投身而下。親自受取。况小火坑而不能入。然我今者。爲求佛法。應受一切地獄衆苦。何況人中諸小苦惱。

疏六。若有人言。下。甘苦重法。以一句之法。能盡苦源。地獄多劫。誠可甘也。

菩薩如是發勤精進。求於佛法。如其所聞。觀察修行。疏二。正修行因中。初結前後。如其下。正顯因相。謂靜處思惟。正觀爲修行之因也。然論經但云。正觀無修行字。故是思慧爲修行因。若順今經。此一段文。乃是後文標舉耳。

此菩薩得聞法已。攝心安住。於空閑處。作是思惟。如說修行。乃得佛法。非但口言。而可清淨。

疏大文第三。此菩薩得聞法下。明厭分者。前明聞思。今顯修慧。卽五種方便中。第四禪善巧決定觀察智也。論云。云何厭分。是菩薩聞諸法已。知如說

行。乃得佛法。入禪無色無量神通。彼非樂處。於中不染。必定應作故。謂不樂不染。卽是厭義。其無量神通。是厭之果。皆修行力。乘便舉來。鈔其無量下通妨。以是厭果非厭分故。通意可知。

疏經文七相。一依何修。二云何修。三何處修。四何故修。五何時修。六何所修。七何爲修。束此七相大爲三段。初四修行。次二證入。後一入意。鈔經文七相者。約義不同。次科束爲三者。順文分段。

疏今初此菩薩得聞法已。卽依何修。以依正法故。卽了相作意。鈔今初修行有三。初正釋文。卽依

何修。總示義相。以依正法故者。卽釋成上義。卽了相作意者。以論義收。下瑜伽中爲順世禪。了欣厭相。卽厭下苦。塵障。欣上淨妙離。今云正法。其義通深。若約寄位。全同瑜伽。若約勤求淨菩薩行。則所聞法。必當深妙。如下夜神所得四禪。

疏次攝心安住。卽云何修。攝散住法。是修相故。卽攝樂作意。鈔二第二相。言卽攝樂作意者。下瑜伽釋。少分觸證。是加行益相。

疏次於空閑處。卽何處修。空閑通於事理。則無處非修。卽遠離作意。鈔三第三相。言卽遠離作意。

者。下釋遠離云。與斷道俱。今空閑處。何名斷道。故疏云。空閑通事理。理之空閑。卽是道斷。

疏次作是思下。卽何故修。要必修行。方證行。故卽勝解作意。然口言者。通於說聽。故瑜伽云。非但聽聞文字音聲。而得清淨也。鈔四第四相。言卽何故修者。是修所以良。以不修則不證。故言勝解作意者。下釋正是修行。謂勝解於境。印持爲性。不可引轉爲業。是故修行非此不成。瑜伽云。從此後。超過聞思。惟用修行。於所起緣。相發起勝解。修奢摩他毘鉢舍那。修習已。如所尋伺。籠相靜相。數起勝

解。如是名爲勝解作意。

疏瑜伽三十三。明修行八定。皆有七種作意。一了相作意。謂了欣厭相故。二勝解作意。正是修行。三遠離作意。謂與斷道俱。四攝樂作意。謂少分觸證喜樂。五觀察作意。謂重觀試練。六加行究竟作意。謂心得離繫。七加行究竟果作意。謂無間證入。上修行中。已攝其四。前修行因中。有觀察作意。後二作意在證入中。七中前五。通貫八定。下八定中。各有後二。故此總修。下亦總發。鈔六加行者。論云。從此倍更樂斷。修習奢摩他毘鉢舍那。鄭重觀察。

修習對治時時觀察先所已斷。由是因緣從欲界繫一切煩惱心得離繫。由此離時伏斷方便。非是究竟永害種子。當於爾時初禪靜慮地前加行道。已得究竟。一切煩惱對治作意已得生起。是名加行究竟作意。七加行等者。論云從此無間。由是因緣證入根本初靜慮定。俱行作意。名加行究竟果作意。釋曰。論就初禪畧釋其相。後例所餘。今疏總舉。故取大意畧釋而已。下例可知。下八定者。謂卽離欲惡不善法等。是加行究竟作意。任初禪等。卽加行究竟果作意也。故此總修者。然有四句。一總

修總發。謂總相修行。不偏修一。八定俱起。名爲總發。二別修別發。謂偏修初禪。發於初禪。修二發。二修空發空等。三總修別發。總相修行。唯發一定等。四別修總發。謂唯修一定。發得多定。前二如修。後二不如。其故何耶。宿世偏修。今雖總修。唯發一定。如地有一種雨。雖普潤。唯一芽生。四則昔修多門。今雖修一。諸定齊發。如多種子。共在一處。少分沃潤。諸芽齊生。望定現前。名之爲發。望人修得。稱之爲入。然此卽是天台之意。今菩薩總修。下皆總發。若別修相。具如瑜伽智論等說。

撰述
垂岸師鈔卷之二
疏然皆卽妄卽真。圓融自在。又任運而發。不同欣
厭。故下論云。三昧地。故得不退禪。不退卽無漏定
也。又釋內淨云。修無漏不斷。三昧故。故知一一皆
同鳥迹。鈔然皆下。三以經意總相圓融。所以融
者。以文歷別。更引瑜伽欣厭等言。恐謂全是。故此
揀云。以寄位故。引法相宗證成經文據鳥迹意。理
須會融。

佛子。是菩薩住此發光地時。

疏第二佛子是菩薩下。證入中分二。初結前卽何
時修證。謂在三昧時。是修行時。正修行竟。是證入

時。論經云。住此明地。因如說行故。今經闕如說行
言。若但云住地。豈初安住。卽得此禪。但前已有修
行之言。故今畧耳。鈔謂在三昧下。疏意有四。一
正釋文。二論經下。對彼辨異。三今經下。引今經闕。
反成論有。四但前下。出經無異。

○疏後卽離下。卽何所修。修何所證。謂證入定。八定
之義。廣如別章。畧以四門分別。一入意。二釋名。三
體性。四釋文。卽當辨相。今初下。經云。但隨順法
故行。而無所染著。論云。以何義故。入禪無色無量
神通。爲五種衆生故。一爲禪樂。憍慢衆生。故入諸

禪。謂得世禪。恃以生慢。二爲無色解脫。憍慢衆生。故入無色定。謂外道證此。以爲涅槃。恃以生慢。菩薩示入八禪。一一過彼。故攝伏之。三爲苦惱衆生。入慈悲無量。令安善處。永與樂故。入慈無量。應解彼苦。令不受故。入悲無量。四爲得解脫衆生。故入喜捨無量。謂喜其所得。自離動亂故。五爲邪歸依衆生。故入勝神通力。令正信故。又示入禪定。示定寂靜。超欲等過。令物做故。善自調練。知純熟故。寄位次第。法應爾故。尚不同。二乘自爲。豈與凡外同年。然無量神通。卽是厭果。論王併舉者。欲顯皆爲

順法故。云何順法。爲順菩薩大悲化生法故。鈔廣如別章者。大乘法師法苑法華疏等。皆有其章。今疏四門已畧其要。論云以下。二舉本論釋。先問。遠公云。菩薩正應修習出世道禪等。世法何要。入耶。答爲五種衆生。故有四類法。四等開故。故成五種。五爲邪歸者。邪歸之人。智慧微薄。取信耳目。故爲現通。方可信受。

疏二釋名者。先通後別。通中先釋四禪。禪那西音。此云靜慮。靜謂寂靜。慮謂審慮。故瑜伽三十三云。於一所緣。繫念寂靜。而審思慮。故名靜慮。是以靜

撰述 華嚴頂金卷之二
能斷結。慮能正觀。諸無色定。有靜無慮。雖能斷結。不能正觀。欲界等持。有慮無靜。雖能正觀。不能斷結。故唯色界獨受斯稱。次無色定者。婆沙百四十一云。此四地中。超過一切有色法。故違害一切有色法。故色法於彼無容生。故俱舍云。無色謂無色。若大眾部及化地部。亦許有色。細故名無。俱舍論中。廣破有色。次別名者。初四禪者。一有尋有伺靜慮。二無尋無伺靜慮。三離喜靜慮。四離樂靜慮。俱舍定品云。初具伺喜樂。後漸離前支。卽斯義也。無色別名。至文當釋。鈔次無色下。二釋無色。其超

過違害。及無容生。三相云何。超過者。地法增勝。故言違害者。害有色故。言無容生者。如火中花。故無色謂無色者。所引俱舍。皆是定品。二十八論。下當具引。俱舍論中。廣破有色者。論云。皆無色故。立無色名。外難云。此因不成。許有色故。若爾。何故立無色名。由彼色微。故名無色。如微黃物。亦名無黃。論主問云。許彼界中。色有何相。若彼唯有身語律儀。身語既無。律儀寧有。又無大種。何以造色。若謂如。有無漏律儀。不爾。無漏依有漏大種故。又彼定中。亦遮有故。若許於彼。有色根身。如何可言彼色微。

少。若謂於彼身量小故。水中細蟲極微。應名無色。亦身量小不可見故。若許彼身極清妙故。中有色界應名無色。若謂彼身清妙中極應。唯有頂得無色名。如定生身有勝劣故。更有廣破畧知其旨。疏三體性者。婆沙云。四靜慮有二種。一修得。俱舍論云。是善性攝。心一境性。以善等持爲自性故。若兼助伴。五蘊爲性。二生得。隨地所繫。五蘊爲性。皆有色者。定共戒故。無色體性。但除於色。餘義同前。故俱舍云。無色亦如是。四蘊離下地。大乘宗中亦無異轍。若會相歸性。則八定支林。一切皆空。若事

盡理現。皆如來戲。泯絕無寄。則定亂兩亡。若事理圓融。一卽一切。鈔一修得者。頌云。靜慮四各二。於中生已說。定謂善一境。并伴五蘊性。釋中云。靜慮有二。一。生靜慮。二。定靜慮。定卽修得。言於中生已說者。卽世界品說十七天卽生靜慮。卽以無覆。尅實言之。以善等持而爲其性。心一境性者。謂能令心專一所緣。無色下。出無色體。二。先正釋。就小乘明。俱舍云。四蘊離下地者。次後偈云。并上二近分。總名除色想。無色謂無色。後色起從心。今此正

引初之七字。出無色體。謂亦用善性攝。心一境性。以善等持爲其自性。但并助伴。唯除色蘊。無色無有隨轉色。故其離下地。自屬別立。四名不同。在一句中。因便引耳。下方別釋。大乘宗下。二就諸教料揀。無異轍者。卽通諸教。若會相下。正明始教。若事盡理現下。辨終教。從泯絕已下。卽是頓教。若事理圓融下。辨圓教。

疏第四釋文。初明四禪。後說四空。四禪之中。雖支有多少。論王並勒爲四。一離障。二對治。三利益。四彼二依止。三昧。四中後三是支。初一非支。雖後後

所離。是前前支。望於當地。並皆非支。然四禪通說有十八支。謂初三各五。二四皆四。爲欲惡難除。第一禪喜深難拔。故初二各五。初三不然。故二四唯四。其間除重則唯有十。謂一覺。二觀。此唯初禪。二捨四念。此通後二。五喜局於前兩。六樂該於前三。七者一心。徧於諸地。八內淨唯二。九正知唯三。十捨受唯四。若分二樂。則有十一。若內淨無別體。則唯有九。此等皆爲順益於禪。故立支名。故瑜伽十一云。諸靜慮中。雖有餘法。然此勝故。於修定者。爲恩重故。偏立爲支。鈔雖後後下通妨。從初一非

支上生難。難云。卽初離障。皆非是支。二禪離障云。滅覺觀。覺觀卽是初禪二支。何言非支。今荅意云。雖是前支。於我非支。餘二亦然。二歷禪有異。先正明。俱舍頌云。初禪具五支。尋伺喜樂定。二禪具四支。內淨喜樂定。三禪具五支。捨念慧樂定。四禪具四支。捨念中受定。故今疏云。初三各五。二四皆四。爲欲惡下。二出彼立支多少。所以病深藥多。賊微兵少。其間下。三舉其實法。此依大乘。三是行捨。異後捨受。若分二樂者。俱舍頌云。此實事十一。初二樂輕安。內淨卽信根。喜卽是喜受。謂初二禪樂是

輕安樂。第三禪樂是樂受樂。故成十一。若內淨者。謂俱舍內淨卽是信心。大乘雜集等。但舍第三禪捨念。正知三支以爲內淨。無別內淨。故但有九。四建立爲支。所以以益於禪。故支卽分義。及因義。故瑜伽下引證。

卽離欲惡不善法。有覺有觀。離生喜樂。任初禪。

疏今初初禪。一卽離欲惡不善法者。此明離障。以一卽離貫於下三。然諸論說大同小異。若毘曇離五欲。故名爲離欲。斷十惡。故名爲離惡。除五蓋。故名爲離不善法。若智論八十八云。離欲者。謂離五欲。

撰述
垂胤疏鈔卷之二
惡不善法。謂離五蓋。五蓋將人入惡道。故名惡障。善法故名不善法。辨蓋欲之相廣。如智論十九及瑜伽十一。雜集第八。斷欲恚害。恚卽是惡害。卽不善法。瑜伽三十三。亦合惡不善法。彼論云。離欲者。欲有二種。一煩惱欲。二事欲。離亦有二。一相應離。二境界離。言離惡不善法者。煩惱欲因所生種種惡不善法。卽身口惡行。此意則總辨欲界諸惡不善。已明離障。鈔一煩惱下。煩惱約內事欲爲外。內心不與欲貪相應。名相應離。不染外境。各境界離。

疏二有覺有觀者。此有二支。是修行對治。新譯名尋伺。皆初籠後細。俱舍云。尋伺心籠細。智論云。譬如振鈴。籠聲喻覺。細聲喻觀。瑜伽十一以尋求伺察不淨。慈悲治欲界欲恚害障。又五蓋中有欲恚害。不死親里國土等覺。今對惡覺起善覺察。又智論四十四云。小乘以欲恚惱覺爲籠。親里國土覺爲細。又唯善覺爲細。於摩訶衍皆籠。則覺空爲細。鈔尋伺心籠細者。卽是界品。釋云。尋謂尋求。伺謂伺察。心之籠性名之爲尋。心之細性名之爲伺。國土等者。等取族姓及輕侮。覺卽是八覺。廣如發

心功德品說。

疏三離生喜樂者。是修行利益慶離欲惡等。是故生喜。身心猗息。及得解脫之樂。故名爲樂。由此名利益支。瑜伽三十三云。離者已得。加行究竟作意故。所言生者。由此爲因爲緣無間生故。已獲加行究竟果作意故。喜樂者。謂已獲得所希義故。得大輕安。身心調暢。有堪能故。鈔經離生喜樂者。瑜伽十一明斷除五法。謂欲所引喜樂及憂。不善所引憂喜及捨。彼五受故。生喜樂。言喜者。深慶適悅。樂者。身心適悅。得無損害及解脫樂。慶離欲惡等。

者。等取不善法。言身心猗息者。猗者美也。此輕安樂。異解脫樂。得大輕安下。釋輕安義。唯識第六云。輕安者。謂遠離籠重。調暢身心。堪任爲性。對治昏沉。轉依爲業。釋曰。謂離煩惱。籠重爲輕。身心調暢爲安。令所依身輕安。適悅。各有堪能。疏順。瑜伽畧不釋輕。

疏四。任初禪者。是彼二依止三昧。謂於所緣。審正觀察。心一境性。爲彼對治。及利益支之所依止。依止定力。尋等轉故。其所離障。以無行體。非是支故。不爲彼依。而言初者。欲界上進。此最初故。而言行。

者卽安任義。瑜伽云。安任者。謂於後時。由所修習。多成辦。故得隨所樂。得無艱難。乃至七日七夜。能正安任四禪。此句大旨不殊。

滅覺觀。內淨一心。無覺無觀。定生喜樂。任第二禪。

疏第二禪中。一滅覺觀。是所離障。覺觀。能動。發生三識。亂於二禪。如淨水波動。則無所見。故初禪能治。爲此所治。則病盡藥亡。鈔覺觀。能動。發生三識者。謂眼耳身。遠公云。初禪之中。覺觀有三。一心。二出定時。三識身力。能動覺觀。此三並是動亂之心。二禪勝靜。皆盡遣之。

疏二內淨一心。無覺無觀者。是修行對治。言內淨者。小乘是信。能淨心相。離外散動定等。內流大乘。卽攬二禪三支以成。故顯揚十九。瑜伽六十三。皆云內淨。以捨念正知爲體。以此三法。尚爲喜覆。力用未勝。但能離外尋伺。故合名內淨。言一心者。釋於內義。唯緣法塵。不同初禪有三識。故故身子阿毘曇云。欲界地中心行六處。初禪地中心行四處。謂無鼻舌識。二禪已上心行一處。唯意識身。緣法塵故。無覺無觀。釋於淨義。不同初禪有覺觀。故前滅覺觀。顯於所治。此復言無顯能治。無故非重也。

撰述
華嚴疏鈔卷之二
本論釋一心云。修無漏不斷三昧。行一境故。欲異世間。是如實修故。不斷者。相續一心。行一境者。對緣一心。由此卽名三昧無漏。鈔內淨之義前已總釋。此具二宗。顯揚雜集名內等淨。顯揚第二云。謂爲對治尋伺。故攝念正知。於自內體。其心捨住。遠離尋伺塵濁法故。名內等淨。雜集疏云。所言等者。謂內定體。由離尋伺。體得平等捨住。又念慧非一。故名平等。若婆沙云。謂信平等。令內心淨。前滅覺觀。下通妨。妨云。謂上滅覺觀。今復云。無豈非重覆。答意中云。前舉覺觀。是此所滅。云顯所治。此言

無者。不同初禪。用此覺觀。以爲能治。云顯能治無。遠公云。前滅覺觀。如呼滅諦。以爲無染。此無覺觀。如呼道諦。以爲無染。故本論下。先引論。後欲異世。下疏釋論文。上釋無漏。此下釋一心。然論經一心云。心行一處。今釋論文。乃以二意。釋行一處。謂一以不斷三昧。卽約無漏。相續無間。卽豎說一心。二以行一境者。約事對緣。橫說一心。由二禪已上。唯以意識行法塵故。由此則各下。結成三昧無漏。但緣一境。卽是三昧。今復相續。故是無漏。無有漏法。來相間。故瑜伽論云。世間靜慮。但捨彼品。籠重。不

捨種子。無漏靜慮。二種俱捨。故無有間。

疏三。定生喜樂。此二支是修行利益。初禪慶背欲惡。故名離生。今慶覺觀心息。故名定生。如淨鑑止水。故身心適悅。若智論意。卽從初禪定生。欲界無定。故初但云離。二禪雖離初禪煩惱。初禪有定。故又初禪離欲大障故。鈔如淨鑿止水者。欲惡如泥。初禪之定如淨動水。今無欲惡復滅。覺觀如淨止水。是則初禪慶其所離。此慶所得得亡照故。若智論下。敘異釋也。前解定生。定在二禪。今云定生。定在初禪。背於初禪。有覺觀定。得二禪故。欲界無

定。爲可背故。初名離生。二禪雖離下。通難。難云。初禪離欲惡。卽名爲離生。二禪離覺觀。亦合名離生。故爲此通。通云。初禪離欲惡。無定名離生。二禪離覺觀。有定名定生。然其設難。唯難前解。及通難云。初禪有定。二解俱成。欲界無定。爲所背故。卽成前解。初禪有定。爲所背故。卽通後解。又初禪者。初禪離欲大障。初名離生。二無大障。二不名離。

疏四。任第二禪。卽彼二依止三昧。

離喜。任捨有念正知。身受樂諸聖所說。能捨有念受樂。任第三禪。

疏第三禪中。一離喜者。是所離障。謂二禪利益支。喜心分別。想生動亂。三禪轉寂。故須除遣。如貧人得寶生喜。失則深憂。莫若雙絕喜憂。方爲快樂。疏二在捨有念。正知三支。是修行對治。一在捨者。卽是捨數。揀非捨受。故諸經論皆名行捨。行心調停。捨彼喜過。故顯揚云。在捨者於已生喜。不忍可故。平等正直。無動安任。二有念者。於喜不行中。不忘明記故。三正知者。或時失念喜行。於此分別。正知而任。謂任於捨。瑜伽三十三大同於此。上三卽前內淨。漸修轉勝。至此別開深細寂靜。故能治下

地喜踊浮動。鈔二在捨者卽是捨數者。謂是善十一中一心數法善十一者。唯識頌云。善謂信慚愧。無貪等三根。勤安不放棄。行捨及不害。今明行捨。卽是其一。彼論釋云。言行捨者。卽精進三根。令心平等正直。無功用任。爲性對治掉舉不寂靜。在爲業。釋曰。此卽四法爲體。故云精進三根。二根卽無貪無瞋無癡故。次疏云。揀非捨受。捨受唯是無記。非是善性故。行捨善性。故今揀之。行心調停者。行捨通捨貪等三不善根。今對二禪之喜。云捨喜過故。顯揚下。引論顯於捨相。唯識通說行捨。顯揚

正釋三禪中捨。故云住捨。於已生喜不忍可者。不忍可言卽是捨義。言平等正直無動安住者。三品捨相一同唯識。平等爲初。離沉掉故。正直爲次。於染不怯故。無動安住爲後。卽寂靜住。卽上唯識云。無功用住。不忘明記爲念義故。遠公釋云。念前喜過。守心一境。三正知者。正知卽慧。遠公云。分別喜過而言正者。論名安慧。遠公云。慧靜名安。安卽正義。靜鑑雙流。故名爲正。正故得安。上三下。結成勝義。

疏三身受樂下。是利益支。於中初身受樂。正顯支體。正對二禪喜心浮動。是故但言身受於樂。設心受樂亦名身受。故瑜伽云。由捨念正知數修習。故令心踴躍俱行。喜受便得除滅。離喜寂靜。最極寂靜。與喜相違。心受生起。彼於爾時。色身意身。領納受樂。及輕安樂。是故說言有身受樂。又初禪喜樂如土石山頂有水。二禪喜樂如純土山頂而有池水。三禪之樂如純土山在大池內。樂徧身外。身在樂中。是故心樂亦名身受。次諸聖所說。能捨有念受樂者。釋成勝義。謂下諸地無如是樂。及無間捨。上地有捨而復無樂。故諸佛及佛弟子說第三禪。

撰述
玉屑金卷之二
具有能捨及念正知而復受樂故諸樂中三禪樂勝此瑜伽意不應別解文中畧牒尚闕正知但有捨念已殊上下鈔設心受樂者下引瑜伽色身意身俱名身故故瑜伽下引證於中有五初明能治二令心下顯其治能卽前離喜三離喜寂靜下生起下文身受樂義明是離喜之樂故云與喜相違心受生起心受生起卽意身受樂四彼於下正釋身受樂義五是故下結釋經文上約根本說故遠公云身受者受有二種謂身與心分別有二一約根本分別五識等受依色根生故名身受意識

中受從意根生故名心受二約所益分別身心下品之受適暢在心名爲心受上品之受適徧身心就所徧處從末爲名故曰身受今從後義樂實心法此處增上徧滿身心故說身受顯樂增上樂是心受之義不待言說釋曰遠公有二義意但取後今疏具用上引瑜伽證成前義意識名身故云心受亦名身受如土石下引山水喻卽順後義約所益說有品數故則土喻於心石喻於身水總喻樂初禪心樂故如水不入石中二禪已徧身心如水徧山無石礙故然爲喜覆如土覆水但是潛潤三

撰述
禪身樂偏增。如池水在外。水徧山內。居然可知。釋
成勝義者。上舉三山。已知三禪樂勝故。今方出勝
義於中有六。一上一句標。二謂下正明勝義。無如
是樂者。無有無喜勝樂。及無間捨者。明無能治行
捨。則下地有樂無捨。上地有捨無樂。今有捨有樂。
故樂最勝。三故諸佛下。引證消經。明其有樂有捨。
四故諸樂下。結成勝義。五此喻伽下。結彈異解。謂
遠公將能捨兩字屬於上句云。諸聖所說能捨。釋
云。唯聖弟子。能說爲過。堪能捨離。非凡所能。彰此
樂深。今將能捨兩字屬下云。能捨有念受樂。故樂

爲勝。故諸聖者。共說此樂最爲勝耳。遠公但云樂
勝。不知何以得勝。思之。是故結云。有文有理。不應
別解。六文中下。會經同論。言但有捨念已。殊上下
者。有捨念故異下。有樂故異上。

疏四在第三禪。卽彼二依止三昧。

斷樂先除苦喜憂滅。不苦不樂。捨念清淨。在第四禪。
疏第四禪中。一斷樂先除苦喜憂滅者。卽是離障。
三禪勝樂。於此爲害。如重病人。觀妙音樂爲障。四
禪故須除遣。故云斷樂。得此定者。卽於爾時所有
苦樂皆得超越。故總集說先除苦等。先之一字。總

貫下三二禪先除苦受。三禪先滅喜受。初禪先滅憂受。并今斷樂則已滅四受。依禪次第應先明憂爲對前樂。先言除苦。喻伽十一云。何故苦根初禪未斷。答彼品。籠重猶未斷故。若爾何不現行。答由其助伴相對憂根。所攝諸苦。彼已斷故。若初靜慮已斷苦根。是則行者入初靜慮。及第二時受所作任。差別應無。由二俱有喜及樂故。此意明不斷籠重。故異二禪。而無現行故立樂支。若依小乘。初二禪之樂。但是輕安。而非樂受。三是樂受。故不同也。鈔初正明問答。初禪有樂。那未斷苦。答意可知。

若依小乘下。約教揀異。故俱舍云。初二樂輕安。顯前論皆約樂受。

疏二不苦不樂者。是利益支。餘禪皆先明治。今此先明益者。乘前總無四受。便舉不苦不樂。明五受內唯有於捨是不動故。若爾。前來亦滅憂喜。此何不言不憂不喜。答五受明義。無別不憂不喜。三受明義。苦樂攝於憂喜。故但對之。又此正斷於樂。故宜對之。鈔又此正斷下。明其所宜。此亦遮難。難言一種相攝。何不舉不憂不喜。攝苦樂耶。答云。一五受中無別名故。二所對樂近。憂苦遠故。先已斷

故。

疏三捨念清淨。此二是对治支。三禪捨念與樂憂俱。此斷樂憂故云清淨。然其能治大同三禪。但所治喜樂故分二别。喜心浮動常須正知。樂受深細但須捨念。若遠顯清淨者。瑜伽云。從初靜慮一切下地災患已斷。謂尋伺喜樂出息入息。是故此中捨念清淨鮮白。由是此禪心住無動。此論畧舉六事。應兼無苦及憂。故俱舍等明此禪中離八災患。然四禪雖曰不動而猶有捨受。未名無受。瑜伽十。一云。又無相者。經中說爲無相心定。於此定中捨

根永滅。若非無相。乃至有頂。皆有捨受。鈔若遠顯下。重顯清淨。初引論。上但对三禪。明四時淨。今總對前三。以明清淨。二疏釋論文。無苦及憂故云畧舉。亦以遠故。正明從初禪來。下地災患已斷。憂苦現行。俱在欲界。故畧不言。故俱舍下論云。第四名不動。離八災患故。八者謂尋伺苦樂憂喜出息入息。

疏四住第四禪。卽彼二依止三昧。然入上色定。其身相狀。如處室中。入下四空。如處虛空。

○疏第二四空空處等名。同心一境性。有何差別。俱

舍定品顯此差別。由離下地染。故立四名。謂離第一禪。立空無邊處。離空無邊處。立識無邊處等。差別既爾。從何得名。彼次頌云。空無邊等。三名。從加行立。非想非非想。昧劣故。立名。謂修定前起。加行位。厭壞色故。作勝解想。思無邊空。加行成時。名空無邊處。厭空想識。厭識想無所有。準此可知。其第一空。由想昧劣。謂無下地明慧勝想。得非想名。有昧劣想。名非非想。故前三無色。加行受名。第四無色。當體受稱。以前三近分。加行位中。唯緣空等。入根本位。亦緣餘蘊。故從加行受名。第四非想。加行

根本。同一所緣。故當體受稱。瑜伽論中亦同於此。加行等想。空識等殊。至文當辨。然此四空亦各有四。謂離障等。而經文中但各三句。義含於四。謂初段離障。具對治義。問若有治等。爲有支不。答。準雜集等論。諸無色奢摩他。一味相故。無有支分。建立。若依瓔珞本業。四無色定各有五支。謂想護止觀一心。經論相違。云何會通。論依相似不同。四禪覺觀等異。又慧用劣。名無支分。經就相似。同皆有五。如初空定。厭下色相。起於空想。卽今對治。護彼色相。令不現前。若超色相。卽各爲止。是今離障空無。

一釋述
善願疏鈔卷之二
五
邊行。照了分明。卽是觀義。是今利益。一心卽是彼
二所依。故五支顯然。豈得判無。違經依論。鈔第
二四空下。初彰差別。卽前所引四蘊離下地離下
地言。是顯差別。以前三下。四出異。所以所以同四
無色。受名不同者。前三根本不一所緣故。五瑜伽
論云下。五引例爲證。乃有二意。此是一意。論云。此
中依於近分。乃至未入上根本定。唯緣虛空等。若
已得上根本定。亦緣虛空。亦緣自地。諸蘊釋曰。
言近分唯緣空者。約八解脫道中少分而說。解脫
亦緣自地蘊故。九無間道。此全不論。根本亦緣自

地蘊者。初剎那心緣自地蘊。後心而得緣上下蘊。
今揀後心。故云亦也。第二釋者。前三加行亦緣自
蘊。取其解脫道中以少分緣義。及無間道緣自蘊。
故前釋從其多分。俱舍唯取一義。

超一切色想。滅有對想。不念種種想。入無邊虛空。在
虛空無邊處。

疏今初空處。謂觀虛空作無邊行相。能滅色想。心
安空定。名空無邊處。鈔初空處下文三。初標。而
言處者。順正理云。四空名處者。謂有情生長處故。
○疏文中三句。初句含二義。一明離障。二明對治。

鈔初句者。以經三句連爲義句。故曲有三。
疏言離障者。曲有三句。謂離三有對色論云。超一
切色想者。過眼識相。此明超可見有對。二。滅有對
想者。耳鼻舌身識。和合想滅故。此滅不可見有對。
三。不念種種想者。不念意識和合想故。意識分別
一切法故。說各種種。此滅不可見無對。意識雖緣
非色之境。今但取緣色自有種種。皆云想者。小乘
以在色欲修起。此定未捨色形。故不言滅色。但言
滅想。想取色相。故偏滅之。大乘之中。決唯滅想。若
超色想。說無色者。後滅空識。應無識空。問香味之

想初禪已離。色聲觸想。二禪已除。今云何言空定。
滅耶。遠公荅云。香味二想。雖盡初禪。今云滅者。治
有四種。一。壞對治。謂方便道觀。下有漏無常等故。
二。斷對治。謂無礙道。正斷下過。三。持對治。謂解脫
道爲首。及後一切無間解脫。持彼無爲。不令失壞。
四。遠分對治。謂解脫爲首。及後一切無礙解脫。遠
令前障畢竟不起。今此空定。據第四治。色聲觸三。
云二禪滅者。二禪已上。乃至四禪。當地雖無得借。
若於色界頓修空定。則六識行境。並皆得滅。故論
上言。意緣一切法亦無揀故。鈔謂離三有對者。

俱舍界品中明十八界。諸門分別。總有二十二門。今此要二。謂問云。幾有見無見。幾有對無對。偈云。一有見謂色。十有色有對。釋曰。十八界中。謂色界一。此一有見。謂為眼根所觀照故。名為有見。五根五境。此之十界。有色有對。謂此十界體是色故。極微所成。更相障礙。故名有對。論云。如手礙手。如石礙石。或二相礙。于石各二。應知有對。總有三種。一。障礙有對。卽十色為體。障礙卽有對。持業釋也。二。境界有對。謂十二界。卽六根六識。法界一分。謂於法界中。唯取心所。此十三法。於色等境。而能取故。

為境所拘。名為有對。境界之有對。依王釋。二所緣有對。其體卽是七心界全。謂六識及意。并法界一分。亦心所也。言所緣者。色等六境。言有對者。卽七心等為六境界所拘礙故。然對是礙義。礙有二種。一。障礙。二。拘礙。三。有對中。障礙有對。卽障礙礙餘。二有對是拘礙。論自問云。境界所緣。彼有何別。論答云。若於彼法。此有功能。卽說彼為此法境界。心心所法。執彼而起。彼於心等。名為所緣。釋曰。彼卽六境。此卽根識等意。云若根識等於色等境。有能見等之功能。故卽名色等為我境界。若心

撰述
善廣所錄卷之二
三
心所猶如羸人非杖不起。託境方生。卽色境等。名爲心等之所緣也。是則境界有對。能緣力強。所緣有對。所緣力強。故所緣中但有七心。境界之中具有根識。以根不託境而生。故能取境邊名境界。有對。爲境引邊名。所緣有對。而大雲釋云。礙取境義邊名。境界有對。礙緣境義邊名。所緣有對。似非本意。以論引施設足論四句。分別境界有對。謂一於水有礙。非陸如魚等眼。二於陸有礙。非水如人等眼。三俱礙。如捕魚人及蝦蟇等眼。四俱非礙。謂除前根釋曰。以此而明。以見等爲礙耳。非礙見等。

也。又論自釋礙義云。何眼等於自境界及自所緣。轉時名爲有礙。答云。越彼於此。此不轉。故釋曰。謂眼緣色不聽聲等。故眼於色名爲有礙。礙我餘緣。故則礙取境義。斯亦有理。而疏不言礙取餘境。但言礙取境邊。故非論意。二有對義。彼論爲難。今已畧顯。然第三有對。體雖七心。要緣六境。故亦有色。又言等者。等於下別無對色。故此無對色亦六境中法界攝耳。論云。超一切下。二別釋三句。句皆有。三如初句中。初標經。二過眼識論釋。三此明下。卽疏釋論。下二句亦然。其疏釋三句。亦卽俱舍界品。

明五蘊中色辨麤細門。一可見有對者。謂色境也。二不可見有對者。謂眼等五根聲香味觸也。三無見無對者。謂無表色。今初可見有對。卽前界品中一可見。謂色。瑜伽名爲超於顯色。論云。次於虛空起勝解故。所有青黃赤白相應顯色。想由不顯。故及厭離故。皆能超越。滅有對想者。標經。而有對言。因此句生。耳鼻舌下論釋。取四識和合。但謂四塵。卽聲香味觸。識必依根。卽兼前可見。皆障礙有對。故瑜伽云。由不顯現。超越彼想。以爲因故。所有種種衆多品類。因諸顯色。和合積集。有障礙想。皆得

除遣。不念下釋第三句。先以論釋。此滅下二疏釋。先正釋。後意識下通妨可知。然此第三通於境界。及所緣攝。是法塵故意緣故。已如上說。瑜伽云。由遠離彼想。以爲因故。所有彼種種聚中差別想轉。謂飲食瓶衣車乘嚴具。城舍軍林等相。一切不作。意轉。皆云想者。二別釋想字。先依小乘。俱舍云。亦總名除色想。然無色亦二。一者生得。生得卽果。果滅色形。二者修得。修得在因。身居欲色。修空定時。但滅於想。應有問言。何不滅餘。故疏荅云。想取色相。故偏說滅。非不滅餘。大乘下。二約大乘。謂縱生

撰述
重編前鈔卷之二
無色亦唯滅想若超色想下。以例反成謂生識處不滅於空。生無所有不滅於識。何生空處而滅色耶。斯理善成。初禪三識之心。見聞覺觸。是故乃至第四猶有此想。空定滅之。此上所識。約次第修。緣一切法者。前明意識之中。唯取緣色之想。故今辨之。知通一切。論王但云滅意識和合想。故意識分別一切法。故說別異想。曾不揀言唯取意中之色想耳。故知通也。

疏已明離障。云何對治。前三句中不念之言。合於對治。謂不分別色等境。故何以不念。見無我故。約菩薩實治。故云無我。若依有漏。但厭苦。僦以爲如行。順正理云。謂若有法。雖與色俱。而其自體不依屬色。諸有於色。求出離者。必應最初思惟彼法。謂虛空體。雖與色俱。而待色無方得顯了。外法所攝。其相無邊。思惟彼時。而能離色。此卽加行之相也。鈔已明離障下。二釋對治。上二句結前生後。後前三句下。正釋。然其不念之言。對治義顯。初超次滅。亦是對治。上引瑜伽三句之內。皆具對治。謂由遠離彼想。爲因等。下總釋云。除遣如是有色。有對種種想已。餘無邊想。虛空勝解是也。何以不念下。

卽是論釋不念之言。謂色無自實。當體卽空。故云無我。卽法無我。約菩薩下。卽疏釋論。但厭苦蘊者。此卽有漏六行伏惑。謂厭下苦蘊障。欣上淨妙離。畧言苦蘊。然此對治。經雖無文。論主義取不念釋耳。順正理下。引論釋成加行之相。然云有法雖與色俱者。有法卽空。空徧一切色。非色處。今明色中之空。故云雖與色俱。而其自體者。空是無礙。色是變礙。故下經云。譬如虛空。徧至一切色。非色處。非至非不至。何以故。虛空無身故。此約事空。若約理空。義亦同此。故經頌云。譬如法界徧一切。不可見

取爲一切是也。上辨虛空之體。諸有於色下。辨觀行之相。而待色無者。然顯空相畧有二義。一減色。明空謂先有色。今此已無故。二對色明空。此處是色無色處。是空。今待色無。義合二意。故婆沙論入十云。但由加行名空。無邊處謂初業者。先應思惟。牆上樹上。岸上舍上等諸空之相。取此相已。假想勝解。觀察照了。無邊空相。以先思惟無邊空相。而修加行。展轉引起。初無色定。故說此各虛空無邊處。曾聞苾芻出此定已。便舉兩手。捫摸虛空。有見問言。汝何所覓。苾芻答言。我不見自身。彼言。汝身

撰述
華嚴疏鈔卷之二
卽在牀上。如何餘處更覓自身。故知入此定已。亦不見身。起定猶爾。今疏但明加行之相。
疏二入無邊虛空者。是修行利益。謂三色想絕。則入空理。廓爾無邊故。

疏三住虛空無邊處者。是彼二依止三昧。瑜伽二。由已超過近分。加行究竟作意。入上根本加行究竟果作意定。是故說言空無邊處具足安住。準瑜伽意。四義之中。離障是超下地。對治是加行究竟作意。利益是勝解作意。彼二依止是加行究竟果作意。前三爲近分。後一是根本。後之三定。一同於

此。又此四義初何所超。次云何能超。三超前何緣。四超何所證。鈔是加行究竟下。卽是第六。以彼釋云。謂心得離繫。故言利益是勝解作意者。以雖彼當第二釋云。正是修行。以下彼二依止。是加行究竟果作意。彼釋云。謂無間證入。則知利益。是正修行矣。又此四義下。第三續何所超者。謂色云何超。謂無分別何所緣者。謂緣虛空無邊。尤顯此句。是修行相。何所證者。卽是空處。心一境性。超一切虛空無邊處。入無邊識。住識無邊處。

疏二識無邊處。心緣內識作無邊行相。故以爲名。

初超虛空無邊處。是明離障。彼何所障。外念爲籠。故。云何對治。見彼外念。籠分別過患。故。

疏二入無邊識。是修行利益。前明捨外。今辨緣內。正理云。謂於純淨六識。身能了知中。善取相已。安在勝解。由假想力。思惟觀察。無邊識相。由此加行爲先。得入根本。鈔正理論下。引論證成。加行之相。言得入根本。卽彼二依止三昧。疏後依止可知。

超一切識無邊處。入無少所有。任無所有處。

疏三無所有處者。卽內外皆無也。初超無邊識。是

明離障。何過須超。事念籠故。云何對治。見籠念。事分別過患。

疏次入無少所有者。修行利益。前以捨外緣內。故爲籠念。旣無所取。能取亦無。故內外俱無。斯爲利益。正理云。見前無邊行相。籠動。起此加行。是故此處名最勝捨。以於此中。不復樂作無邊行相。心於所緣。捨諸所有。寂照而住。瑜伽云。從識處上進時。離其識外。更求餘境。都無所得。此意明識旣爲籠。識外復無。故無所有。疏後任無所有處。是彼二依止。

超一切無所有處。任非有想非無想處。

疏四非想中。無下七地明了之想。有味劣想。故以爲名。超一切無所有處。是所離障。

疏云。何對治。無彼無所有。以見麤念分別過患。故爲能治。既寂無所有。云何名麤。猶有無所有想。故疏經闕一句。論經則具。彼云。知非有想非無想。安隱。則修行利益。

疏卽入非有想非無想處行。是二依止。瑜伽云。先入無所有處定。超過一切有所有想。今復超過無所有想。故言非想。又言非無想者。非如無想及滅

盡定。一切諸想皆悉滅盡。唯有微細想。緣無想境。轉故。卽於此處起勝解。則超近分而入根本。此中所以不出三界者。由緣無想境。卽是細想。外道不了。謂爲涅槃。未能無緣。豈離心境。況計此爲我。復生愛味。故法華喻頭上火然。若知此患。更求上進。求上進時。求上所緣。竟無所得。無所得故。滅而不轉。則得滅受想定也。若未得此定。厭想爲先。後想不行。卽入無想定。然婆沙百四十一。顯揚第三。及諸論皆明。而文言浩博。上引二論文畧義顯。鈔然婆沙論下。指廣在餘。言諸論者。雜集第九。亦廣

分別

疏今更約第一義修。畧示四空。謂觀色卽空。心安於空。是空處定。次知空色不出於心。是識處定。次心境兩亡爲無所有。次亦亡無所有。想緣無想。任名非想非非想。若不緣此無想。則諸漏永寂。鈔今更約下。約觀心釋。兼通禪門。但隨順法。故行而無所樂著。

疏第二入意。但順化衆生法。不同凡小有愛味等。如前已釋。

佛子。此菩薩心。迥於慈。廣大無量不二。無怨無對。無

障無惱。徧至一切處。盡法界虛空界。徧一切世間。

疏大文第四佛子。此菩薩心。隨下。明其厭果。卽前八定之所等引。故名爲果。文分爲三。初四無量。卽行方便果。次五神通。卽行功用果。三此菩薩於諸禪下。總結自在。今初所以先明者。凡夫味定。三界輪迴。二乘上升。多皆起滅。菩薩因定。發生慈悲。廣利有情。成菩薩性。然入之所以。前論已辨。爲對生死涅槃。分四爲二。準瑜伽等。四種無量。爲四有情。謂緣求樂衆生。興慈。有苦與悲。有喜隨喜。有感不染。復應此四通緣一切。以智導之。則無所著。此四

皆緣無量境。故名四無量。若總相說。皆以定慧而爲其體。若別明之。慈卽與樂。無瞋爲體。拔苦不害。慶他不嫉。自他捨惑。卽是善捨。鈔此四皆緣下。四結總名。疏通始終之教。準大集第九云。知諸眾生心性本淨。是名爲慈。觀於一切等如虛空。是名爲悲。斷一切喜。是名爲喜。遠一切行。是名爲捨。此通終頓。若圓教明。如離世間品。各有十義。及圓融等。若總相下。五出體。二。先總。皆以定慧者。雜集十三云。慈等三昧。後得智中所建立。故然論四無量。總有五門。一。以靜慮爲所依。二。有情爲所緣境界。

三。與樂等相應爲行相。四。定慧爲自體。一切功德。皆奢摩他毘鉢舍那之所攝。故五諸心心所以爲助伴。疏皆含有。若別明下。二。別出體。兼舍行相。此有四句。句皆有二。慈卽與樂。此明行相。無瞋爲體。卽是出體。拔苦悲相。不害出體。慶他喜相。不嫉出體。自他捨惑。是捨行相。卽是善捨。是出捨體。俱舍頌云。無量有四種。對治瞋等故。慈悲無瞋性。喜喜捨無貪。此行相如次。與樂及拔苦。欣慰有情等。緣欲界有情。喜初二靜慮。餘六或五十。不能斷諸惑。人起定成三。釋曰。初句標。次句辨治。治有四種。一。

禪、二害、三不欣慰、四欲貪、言瞋等者。等取下三。次二句出體。慈悲以無瞋爲性。喜卽喜受。捨卽無貪。此卽婆沙論意。若俱舍論主。悲以不害爲體。故疏依之。捨以無貪無瞋共爲其體。今言行捨。是雜集意。次三句行相。與樂是慈行相。拔苦是悲行相。欣慰是喜行相。有情等是捨行相。冤親平等故。次句明所緣。唯緣欲界。上界無瞋等故。次兩句明所依。喜初二靜慮。餘六者。謂三無量。依於六地。謂四靜慮。及未至中間。或五者有餘師說。唯依五地。除未至定。謂修無量者。是定與德已離欲者。乃能修故。

撰述

善廣疏鈔卷之二

三

餘

或十者欲令此四通依十地。謂欲界定四靜慮根本及四近分并中間禪。有二義故。不能斷惑。一有漏根本緣故。二勝解作意相應故。斷惑要須眞實作意故。三遍緣一切有情境界故。斷惑要緣法作意故。次句明處及成。唯在人中。成一卽成三種。疏文中二。初別顯慈行。後任悲下。類顯餘三。初中有十二句。心隨於慈。此句爲總。隨有二義。一心不趣寂。動皆含慈。二以此慈心隨逐於物。如犢逐母。次十句別慈之種類。總有其三。初有七句八義衆生緣慈。次一法緣。後二無緣。緣謂緣念。初緣假

者欲與其樂。次緣人空。但有蘊等善惡行法。以用教化。後緣衆生體空。欲令悟入。初一通凡。次一通小。後一唯大。鈔慈之種類者。疏依常義。經論大同。涅槃十五更有一義云。衆生緣者。緣於五蘊。願與樂故。法緣者。緣諸衆生所須之物。無緣者。緣於如來。是名無緣。慈者多緣於貧窮衆生。如來大師永離貧窮。受第一樂。若緣衆生。則不緣佛。法亦如是。以是義故。緣如來者。名曰無緣。次更有義。卽是今疏所明。

疏今初八義。曲復有四。初四與樂。正顯行相。廣者。

與欲界樂。欲境廣多故。大者與。同喜樂。謂初二禪喜受俱故。高出名大。無量者。與不同喜樂。三禪已上。離苦離喜故。深故名無量。不二者。二樂平等與故。上皆論意。更有一理。廣則無樂。不與。大謂菩提涅槃。無量謂窮來際。不二者。無一不與故。鈔與欲界樂。卽五欲樂。同喜之樂。二禪之中。一切因果。三禪亦然。非唯樂受。三禪已上。以喜爲患。離故名樂。不二者。論云。不二者。亦是廣大無量。卽重牒前三。以此三樂。徧與衆生。不揀彼此。云平等與。疏次二治障。不愛之。寃亦與其樂。故無寃障。是愛

之親亦與其樂。非是偏情。故無對礙中。人無愛不
愛。故非障也。鈔次二治障者。卽經無冤無對。慈
行平等。不等是障。怨應與苦。今皆與樂。故無慈障。
怨與其樂。可名治障。親與其樂。何名治障。不以親
故偏與。故疏云無偏情也。與前不二。有何別耶。前
唯就樂以明不二。今就苦樂相對遣也。

疏次一清淨。謂無身心不調五蓋等障。是行清淨
慈。鈔次一清淨。卽經無障。然經云無障。論爲清
淨。由前治障。得此無障。無障卽淨。又前是慈用。用
平等慈。治於怨親。此據慈體。體是禪果所依。依禪

治下欲惡等染。故名清淨。身心不調。造十惡業。謂
故無之。五蓋等者。等上十惡及怨親也。言行清淨
慈者。卽淨名觀衆生品云。行清淨慈。諸法性淨。故
契深性淨。障蓋不生。

疏後一攝果。慈定起於色界正果。慈之餘勢。起欲
界習果。皆無苦惱之事。鈔後一攝果。卽經無惱。
先依論釋。故論云。欲色界中正受善果。無苦惱事。
疏別配釋。

疏故修慈經說。修慈有十五利。謂卧安。覺安。天護
人護。眠無惡夢。寤常歡喜。水不能漂。火不能燒。刀

不能傷毒不能害。常生善處。鎮受快樂。正報梵世。殘報人王。遠果作佛。皆慈之果。然此中有多種果。初現報果。常生下後報果。正報梵世。望上生報。望下正報。殘報人王。卽是習果。又初士用果。水不漂等。是增上果。常生下異熟果。殘報等流果。作佛是離繫果。修一慈心。三報不斷。五果俱圓。無費一毫。而功報無極。幸諸後學。思而修之。鈔修一慈下。結示勸修。三報卽現生。後五果卽異熟等。

疏次徧至一切處。卽法緣慈。橫徧十方。豎通三界。彼中所有一切諸法。皆能緣念。然法有二種。一緣

聖凡五蘊之法。二者衆生所有分別作業之法。此卽所化差別。故涅槃云。緣利衆生法。名爲法緣。

鈔一。凡聖五蘊之法者。是所與樂人見無我。故如諸論說。二者衆生所有分別作業法者。卽涅槃意隨其所作。化與樂故。

疏後二句無緣者。無緣有二。一自體無緣。豎窮法空。云盡法界。二徧至無緣。顯空無分齊。橫盡虛空。未句云徧一切世間者。總結上慈。成無量義也。

鈔經徧至一切世間者。正約有情世間。義兼餘二。正覺器界。是所與故。然約圓教。離世間品各有十

義。

任悲喜捨亦復如是。

疏類二可知。

佛子。此菩薩得無量神通力。能動大地。以一身爲多身。多身爲一身。或隱或顯。石壁山障。所往無礙。猶如虛空於虛空中。踟躕而去。同於飛鳥。入地如水。履水如地。身出煙燄。如大火聚。復雨於水。猶如大雲。日月在空。有大威力。而能以手捫摸摩觸。其身自在。乃至梵世。

疏第二佛子下。得五神通。明行功。用果。前內懷慈。

濟之心。此外現救生之用。從多分說。但爲邪歸。妙用難測。曰神。自在無擁。曰通。文中有五。一神境。二天耳。三他心。四宿住。五天眼。寄同世間。故但得五。外色內身皆神之境。轉變多種。偏受神名。亦名神足。依欲勤心觀之所成。故亦名如意。隨意成。故餘名易了。若語其體。通是慧數。別則前四是智。後一是見。見亦是智。照了分明。順眼義。故偏立見名。餘處天眼。居神境次者。顯自修者先成。自根勝用。次知他心。後知往業。故今約利他三業。故天眼居末。初一身業到機所。次二口業。天耳聞佛說法。聞衆

方言以他心智隨種種語言皆盡知已。將前所聞之法隨其方言之異復宜用何言之異而授與之。後二意業宿住知其過去是何界種。天眼見其未來遠近成益隨應化之餘如十通品辨。鈔順眼義者就眼辨智廢體從眼。故云約見天耳何不廢智。就根名聞不順智不如眼故。餘處已下。七辨次第亦是二業分別。五通皆智智皆意業。今從用相故分三業。

疏今初身通文二。初總明後能動下別顯總中云得者總修總得若準瑜伽三十三得四靜慮竟各別修皆有假想則別修別得。既寄位次第別亦無違然通依四禪多依第四。後別中得三種自在。一世間自在。動大地故。二以一身下身自在。三石壁下作業自在。鈔後別顯者經有十句論攝爲三。初二各一。後八爲一。論亦分八。然總十事亦十八變。文有不足。故論直分。疏以經難留在下說。今且依論。作業自在中八者。一旁行無礙。如經石壁山障。所往無礙。猶如虛空故。二者上行。如經於虛空中。跏趺而去。同於飛鳥故。三者上下行。如經入地如水故。四者涉水不沒。如經履水如地故。五者

其身熾然。如經身出煙燄。如大火聚故。六者身能注水。如經復雨於水。猶如大雲故。七者身能捫摸。如經日月在空中。有大威力。而能以手捫摸摩觸。故八者自在。乃至梵世間。器世間。隨意轉變。得自在者。三。中。初。一。卽振動。二。中有四。一者一身爲多身。是舒。二者多身爲一身。是卷。三。隱。四。顯。三。爲八中攝。爲五種。一。旁行。二。上行。皆是往來。三。四。皆轉變。五六皆熾然。七。卽衆像入身。以高大故。八。卽所作自在。上三段中。初一次。四後五。但有其十。餘八畧。

無。論見多無。別爲科釋。餘如善住知識處明。

此菩薩天耳清淨。過於人耳。悉聞人天。若近若遠。所有音聲。乃至蚊蚋。蚩蠅等聲。亦悉能聞。

疏。第二天耳通。初總標其體。謂天耳清淨。清淨有二義。一。離欲界法。得靜慮。引生清淨。大種所造。故二。離於障礙。審諦聞故。由此故云。過於人耳。悉聞。下顯用。釋過人義。遠細皆知故。

此菩薩以他心智。如實而知他衆生心。所謂有貪心。如實知有貪心。離貪心。如實知離貪心。有瞋心。離瞋心。有癡心。離癡心。有煩惱心。無煩惱心。小心。廣心。大

心無量心畧心非畧心散心非散心定心非定心解脫心非解脫心有上心無上心雜染心非雜染心廣心非廣心皆如實知菩薩如是以他心智知衆生心疏第三他心通中三初總知他心者通於王所次所謂下別後菩薩如是下結別中二十六心行相各異然除小等四心餘皆障治間明善惡對顯總攝爲九一以初六心明隨煩惱謂隨緣現起煩惱相應故名爲隨非約小惑名隨言有貪者於可憂所緣貪纏所纏故離貪者遠離如是貪纏故下四例知卽三不善根及三善根以爲能治論今但以能治亦因煩惱而來故皆名隨煩惱下使亦然鈔言有貪下次別釋初對貪是心所心王之體與貪相應名貪纏所纏餘亦如是

疏二有煩惱等二心明使卽是隨眠鈔二心明使者論中名使隨眠性成猶如公使隨逐捉縛故疏三小等四心名生約無記報心人心小欲天廣色天大無色二解脫無量以作空識無邊行相故上二不爾故非無量而論不明上二空處意明無所有及昧劣故或是畧非畧攝之鈔或是畧者以論經無畧非畧下釋卽散不散中開出今以論

中不說於上二無色故。以此當之。無所有想卽是畧也。非想非非想中。此想亦劣。故名非畧。

疏四有四心。學三昧行。畧者謂由止行於內所緣繫縛其心故。非畧者太沉昧故。或不一所緣故。散者太舉。於五妙欲境隨順流散故。非散者於妙所緣明了顯現故。前二約定。後二約慧定等均者。則名等持。論經合之爲二。名攝不攝。故論以散不散釋之。鈔四有四心者。異後得定。以畧釋止者。故唯識釋睡眠云。昧畧爲性。畧揀寤時。昧揀定中。定中是畧而不昧故。繫緣一境卽是畧義。畧非畧中。

畧心爲得。非畧爲失。散非散中。散則爲失。非散爲得。前二約定者。以論無畧非畧。但名學三昧行。今以三昧有止觀品故別用之。

疏五有二心。明得三昧。定者正入根本定故。不定者未入及起時故。

疏六有二心。明得解脫。有縛無縛故。

疏七有二心。餘凡夫增上慢。卽前類之餘。以得四禪謂爲四果。卽籠習行名上。無此卽細習行名無上。鈔以得四禪者。得初禪謂得初果。餘二如次。疏八有二心。妄行正行。論經名求不求心。希求名

聞卽是雜染。反此非染。鈔論經各求者。仍在上無上前。

疏九有二心。大乘得失。悲智兼濟爲廣。隨闕非廣。論闕此二。鈔九有二心。大乘得失者。論經無此論亦無義。今以義釋耳。

疏上之九類。不出三種。初二煩惱。次一是苦。餘皆是業。業有善惡耳。亦卽四諦。開解脫爲滅。善業爲道。故皆如實知者。審於事實。見理實故。亦非心外見法。亦非無境可知。若自他相絕。則與衆生心同一體。故無心外也。不壞能所。故能知也。又他心是

總。餘皆是別。六相圓融。一乘之實知也。鈔上之九類。下通相料揀有三。一。三雜染料揀。二。亦卽下四諦料揀。三。皆如實下。總釋如實知義有五教意。初通小乘初教理實通人法。二。空故。二。亦非心外下。通始終二教。唯識之義。通二教故。三。若自他下。通於終頓兩教。但同一體。但是頓教。兼取不壞。能所知義。卽是終義。又總取雙絕雙存。亦圓教中同教義故。四。又他心下。六相圓融。唯屬圓教一乘之別教義。

此菩薩念知無量宿命差別。所謂念知一生。念知二

生三生四生乃至十生二十三十乃至百生無量百
生無量千生無量百千生成劫壞劫成壞劫無量成
壞劫我曾在其處如是名如是姓如是種族如是飲
食如是壽命如是久住如是苦樂我於彼死生於某
處從某處死生於此處如是形狀如是相貌如是言
音如是過去無量差別皆能憶念。

疏第四宿任智通初總標誰能念卽宿任之智次
所謂下別顯後如是過去下總結別中初念何等
事謂一生乃至多劫中事此顯念時分次我曾下
云何念卽念相差別也念彼因中名字不同姓謂

父母家姓如迦葉等種族卽利利等貴賤餘可知
此菩薩天眼清淨過於人眼見諸眾生時死時好
色惡色善趣惡趣隨業而去若彼衆生成就身惡行
成就語惡行成就意惡行誹謗賢聖具足邪見及邪
見業因緣身壞命終必墮惡趣生地獄中若彼衆生
成就身善行成就語善行成就意善行不謗賢聖具
足正見正見業因緣身壞命終必生善趣諸天之中
菩薩天眼皆如實知

疏第五天眼通論名生死智通約根約境異故初
總顯能見誰能見天眼故清淨者審見故過人者

遠見故次見諸下。別顯所見。初見生死本有之果。隨業之因。若彼衆生下。云何見別見因果不同。如二地攝善戒中辨。菩薩下結。

此菩薩於諸禪三昧三摩鉢底。能入能出。然不隨其力受生。但隨能滿菩提分處。以意願力而生其中。

疏第三此菩薩下。總結自在。近結厭果。遠結前厭於何自在。卽前禪等。禪謂四禪。三昧者。四無量慈等三昧故。三摩鉢底者。論云。五神通。此應譯者之誤。合云。三摩呬多。以此云等引。五通卽所引故。三摩鉢底。此云等至。非神通故。云何自在。智能入出。

則散動不能縛。卽生心時。隨心用現在前。故大悲方便。不隨受生。則定不能縛。若不隨禪生。當何所生。不揀淨穢。但能滿菩提分處。卽生其中。論王從勝。及自利說。謂諸佛菩薩共生一處。是能滿處。以願力者。非業繫生故。鈔卽生心時者。此有三重自在。上明散動不亂。則入定自在。此段欲入則入。欲出便出。則入出自在。卽是地初明盛心也。三大悲方便下。受生自在。則報果無縛。論云。彼厚深念心。此成就示現者。謂地初十種深心中第八心也。今經當勇猛心。故上論釋云。又不隨禪解脫力生。

疏釋云。地滿方成。正指此也。論王從勝等者。佛菩薩處勝諸穢處。及自利者。爲滿自利菩提分故。近佛菩薩。若約利他。瑜伽地持。皆云隨他見已。生道法處。故疏今云。不揀淨穢。能滿二利菩提分處。卽生其中。

佛子。是菩薩住此發光地。以願力故。得見多佛。所謂見多百佛。見多千佛。見多百千佛。乃至見多百千億那由他佛。

疏第二位果。三果卽爲三別。初調柔果中。三初調柔行體。二此菩薩於四攝下。別地行相。三佛子是

名下。結說地相前。中有法喻合。法中。三初練行緣。二悉以下。明能練行。三見縛下。明所練淨。

悉以廣大心。深心恭敬。尊重承事。供養衣服。飲食。卧具。湯藥。一切資生。悉以奉施。亦以供養一切衆僧。以此善根。迴向阿耨多羅三藐三菩提。於其佛所。恭敬聽法。聞已受持。隨力修行。此菩薩觀一切法不生不滅。因緣而有。

疏二中。先福行。次迴向行。後修智行。言觀一切法不生不滅者。卽法性觀。於清淨法中。不見增故。不生煩惱妄想中。不見減故。不滅。鈔卽法性觀者。

撰述
華嚴疏鈔卷之二
疏
亦約真諦則顯因緣而有。是因緣觀。是俗諦觀。不見增減者。以法性中無淨穢故。體無增減。性無二故。

疏因緣而有。此有二義。一者成上。由淨法從緣生。故無可增。妄法從緣滅。故無可減。二約不壞相故。雖體不生滅。不礙生滅。依對治因緣。離煩惱妄想。故滅轉勝清淨。般若現前。故生。以一切法不生。般若生。故知一切法不滅。妄想滅。故以此該後。則見縛等滅。是不滅之滅也。鈔一者成上。卽隨順觀世諦。卽入第一義也。二約不壞相者。約卽真之俗

也。以一切法不生者。卽大般若文。悟法無生名般若。故知無可滅。照見惑源。故妄滅也。

疏又以此三地世間滿故。於禪定中爲此實觀。生起後地。無生行慧。亦卽善巧決定觀察智也。鈔又以此下結說之由。

見縛先滅。一切欲縛色縛。有縛無明。縛皆轉微薄。於無量百千億那由他劫。不積集故。邪貪邪瞋。及以邪癡。悉得除斷。所有善根。轉更明淨。

疏三所練淨中。先明斷惑。後揀細異。籠前中五縛。卽五住煩惱。若合色有。卽是四縛。縛衆生故。亦名

四流見縛先滅者。初地見道已斷分別惑故。一切欲等者。論云。一切修道中。三縛及彼因。同無明習氣。皆悉微薄。謂煩惱障。三縛現行及種。故云彼因與當地所知障種同滅。故云同無明習氣。習氣卽種義。瑜伽四十八云。捨欲貪故無欲縛。棄捨靜慮等持。故斷有縛。鈔若合色有者。有當無色。今合爲一。卽上二界總名有縛。故爲四縛。四流義如初。二地說。上辨開合。二見縛先滅。下釋經。則五中初一見道所斷已。隔二地。故云先也。論云。下先舉論。謂煩惱下。釋論言與當地所知障種同滅者。以地

地各別斷所知障。而種現雙斷。故此地初二。此地斷暗鈍障。謂所知障中俱生一分開成二愚。及彼籠重。籠重卽是種子。所知種現體卽無明。故云無明習氣。習氣卽是籠重。其俱生煩惱。若約現行。亦地地別斷。故與所知障種現俱滅。煩惱種子直至金剛方永斷盡。今約現行。故得云滅。若約種子。但言微薄。以現斷故。種隨微薄。又斷現故。亦得薄名。疏後於無量下。揀細異籠。謂是斷細。以多劫不積。三不善根故。細種漸斷。善根轉淨。言多劫者。仁王經說。初地經四阿僧祇劫。二地五。三地六。細障難

斷經劫轉多多劫不積故邪貪等斷。然但斷細習非是斷籠籠障見道。初地已斷。籠障修者。二地已斷。故善根轉淨。卽前信等。鈔揀細異籠者。望於三地故得名細。非望後地而得細名。籠障見道者。卽分別起。籠障修者。二地已斷者。然煩惱有三。一正起。初地斷。二誤心起者。二地已斷。三不善根使任運性成。三地已上漸次斷之。又貪等惑。畧有二種。一者不善。凡夫所起。二者是善。愛佛名貪。憎厭世間。說之爲瞋。分別有無。說以爲癡。上三處斷。是不善煩惱。善煩惱斷。亦有三處。一者正起。地上漸

斷。八地時盡。二者習起。八地已上漸次除斷。十地時盡。三者使性。至佛乃盡。今此但斷不善之性。不說現斷。至七地中方說斷於求佛貪等。

佛子。譬如真金。善巧鍊治。秤兩不減。轉更明淨。

疏喻言秤兩不減者。厭離世間勝於前地。信等入於厭火。故自在不失。減也。

菩薩亦復如是。任此發光地。不積集故。邪貪邪瞋。及以邪癡。皆得除斷。所有善根。轉更明淨。此菩薩忍辱心。柔和心。諸順心。悅美心。不瞋心。不動心。不濁心。無高下心。不望報心。報恩心。不諂心。不誑心。無險誑心。

皆轉清淨。

疏三合中二。先正合前行淨。後此菩薩下別顯忍淨。此地忍增。故偏明之。有十三心。初二句爲總。一他加惡辱。能忍受故。二善護他心。謂他人陵我以剛強。我則騁之以柔和。故下諸句別釋此二。鈔他人陵我者。卽借老子之言。彼云柔弱勝剛強。又云天下之至柔。馳騁天下之至堅。例而用之。

疏初有二心。分別善護他心。一諧順心者。以他於菩薩作惡。疑菩薩瞋恨菩薩。現同伴侶。與之諧和。二悅美者。愛語誨誘。

疏次以三心。分別加惡忍受。謂身加惡而不瞋。口毀辱而不動。心嫉害而憂惱。不能濁。以萬頃之波。方其量故。鈔以萬頃之波者。蔡邕歎郭林宗云。汪汪若萬頃之波。旣撓之不濁。亦澄之不清。言其量大也。

疏次有三心。出上二因。無高下者。過去久離憍慢故。不自高舉。輕下於彼。由此能柔和護他。後二卽加惡不改之因。一不望報恩。故益他被辱而忍受。二受恩常念。小恩大報。故衆生於我有恩。法爾應忍。鈔二受恩者。卽涅槃文。十行已引衆生於我。

有恩者若無衆生不能成我普賢行故。

疏後三心顯上二心離障。雖柔順護他而非諂實。爲利益故不誑。心無隱覆諂佞故無險誑。險誑者諂佞也。餘皆可知。鈔險誑者。毛詩序云。內有進賢之志而無險誑之心。蒼頡篇云。誑謂諂佞也。

此菩薩於四攝中利行偏多。十波羅蜜中恐波羅蜜偏多。餘非不修。但隨力隨分。佛子。是名菩薩第二發光地。

菩薩住此地。多作三十三天王。

疏二菩薩住此下。攝報果。此下諸地攝報。文皆分

二初上勝身。

能以方便。令諸衆生捨離貪欲。布施愛語。利行。同事。如是一切諸所作業。皆不離念佛。不離念法。不離念僧。乃至不離念具足一切種一切智智。

疏後能以下。上勝果。果中一自分行。

復作是念。我當於一切衆生中。爲首。爲勝。爲殊勝。爲妙。爲微妙。爲上。爲無上。乃至爲一切智智依止者。若勤行精進。於一念頃。得百千三昧。得見百千佛。知百千佛神力。能動百千佛世界。乃至示現百千身。一身百千菩薩。以爲眷屬。

疏二復作是念下勝進行。鈔勝進果中。經云得百千三昧者。初地百。二地千。此爲十倍。三地百千。卽已百倍。四地億數。然其百千。已用中等數法。百百變之。方是一萬。若百萬爲億。四地望三。亦是百倍。五地千億。已是千倍。六地百千億。若云百箇千億。亦是百倍。若總云百千億。則數難分。七地百千億。那由他。則已有那由他倍。由有百千億。箇那由他。故準僧祇品云。一百洛又爲一俱胝。此中等數。洛又爲億。俱胝爲兆。次云。俱胝俱胝爲一阿庾多。阿庾多阿庾多爲一那由他。自此已上。皆用上等

之數倍倍變之。故百千億箇那由他。已非心識思量之境。況八地云百萬三千大千世界微塵數。九地云百萬阿僧祇國土微塵數。十地云不可說百千億那由他佛刹微塵數。三昧等。此上三地。皆以利塵當前一數。故難思中難思也。況一一地中。皆悉結云。若以殊勝願力復過於此。百劫千劫百千億那由他劫。不能數知。此約行布。況圓融耶。以登地難量。故畧寄數以揀深淺。空中鳥跡。難可宣示。嬰珞亦云。初地一念無相法身。成就百萬阿僧祇功德。雙照二諦。心心寂滅。法流水中。不可以凡心

識思量二種法身。況二地三地乃至等覺地。但就應化道中。可以初地有百身。千身。萬身。乃至無量身等。釋曰。據此等文。寄其數量。非盡理說。

若以菩薩殊勝願力。自在示現。過於此數。百劫千劫。乃至百千億那由他劫。不能數知。

爾時金剛藏菩薩欲重宣其義。而說頌曰。

清淨安住明盛心。厭離無貪無害心。堅固勇猛廣大心。智者以此入三地。

疏第三重頌。十八頌分五。初一頌起厭行分。

菩薩住此發光地。觀諸行法苦無常。不淨敗壞速歸

滅。無堅無住無來往。

觀諸有爲如重病。憂悲苦惱惑所纏。三毒猛火恒熾然。無始時來不休息。

疏二有十二頌。頌厭行分。於中初二護煩惱行。

厭離三有不貪著。專求佛智無異念。難測難思無等倫。無量無邊無逼惱。

見佛智已愍衆生。孤獨無依無救護。三毒熾然常困乏。住諸有獄恒受苦。

煩惱纏覆盲無目。志樂下劣喪法寶。隨順生死怖涅槃。我應救彼勤精進。

疏次三護小乘行。

將求智慧益衆生。思何方便令解脫。不離如來無礙智。彼復無生慧所起。

心念此慧從聞得。如是思惟自勤勵。日夜聽習無間然。唯以正法爲尊重。

國城財貝諸珍寶。妻子眷屬及王位。菩薩爲法起敬心。如是一切皆能捨。

頭目耳鼻舌牙齒。手足骨髓心血肉。此等皆捨未爲難。但以聞法爲最難。

設有人來語菩薩。孰能投身大火聚。我當與汝佛法

寶聞已投之無怯懼。

假使火滿三千界。身從梵世而投入。爲求法故不爲難。況復人間諸小苦。

從初發意至得佛。其間所有阿鼻苦。爲聞法故皆能受。何況人中諸苦事。

疏後七方便攝行。

聞已如理正思惟。獲得四禪無色定。四等五通次第起。不隨其力而受生。

疏三一頌厭分及果。

菩薩住此見多佛。供養聽聞心決定。斷諸邪惑轉清

淨如鍊真金體無減。

任此多作忉利王。化導無量諸天衆。令捨貪心任善道。一向專求佛功德。

佛子任此勤精進。百千三昧皆具足。見百千佛相嚴身。若以願力復過是。


疏四三頌頌位果。

一切衆生普利益。彼諸菩薩最上行。如是所有第三地。我依其義已解釋。

疏五一頌結說 三地竟

明乾
耶刻
計
頁十四
兩七錢

大方廣佛華嚴經疏鈔卷三十五之二



工ノ廿九